

後漢書



章帝紀第三

後漢書三

肅宗孝章皇帝諱烜顯宗第五子也

謚法曰溫克令儀曰章伏侯古今注

曰烜之字曰著音丁達反

母賈貴人永平三年立為皇太子少寬容

好儒術顯宗器重之十八年八月壬子即皇帝位年十

九尊皇后曰皇太后壬戌葬孝明皇帝于顯節陵

帝王紀曰

顯節陵方三百步高八丈其地故富壽亭也西北去洛陽三十七里

冬十月丁未大赦天

下賜民爵人二級為父後及孝悌力田人三級脫無名

數及流人欲占者人一級爵過公乘得移與子若同產

子鰥寡孤獨篤癯貧不能自存者粟人三斛詔曰朕以

眇身託于王侯之上統理萬機懼失厥中兢兢業業未

知所濟淡惟守文之主必建師傅之官詩不云乎不愆

不忘率由舊章詩大雅也鄭玄云愆過也率循也由用也言成王之令德不過誤不違失皆循

用舊典文章謂周公之禮法行太尉事節鄉侯憲三世在位為國元

老趙憲光武時為太尉明帝時行太尉事故曰三代在位元長也詩曰方叔元老司空融融牟

典職六年勤勞不怠其以憲為太傅融為太尉並錄尚

書事武帝初以張子孺領尚書事錄尚書事由此始三事大夫莫肯夙夜小雅

之所傷也詩雨無正之文也三公也鄭玄注云幽王在外三公及諸侯隨而行者皆無復君臣

之禮不肯晨夜省正予違汝弼汝無面從尚書益稷之文也孔安國注云我違道汝當以

義輔正我無面從我股肱之正義也羣后百僚勉思厥職各貢忠

誠以輔不逮申勅四方稱朕意焉十一月戊戌蜀郡太

守第五倫為司空詔征西將軍耿秉屯酒泉酒泉今肅州縣也前

書音義曰城下有泉其味若酒因名酒泉焉遣酒泉太守段彭救戊巳校尉

耿恭甲辰晦日有食之於是避正殿寢兵不聽事五日

詔有司各上封事十二月癸巳有司奏言孝明皇帝聖

德淳茂劬勞日具身御浣衣日具日映尚書曰文王自朝至午日中具不遑暇食

食無兼珍澤臻四表尚書曰光被四表遠人慕化僬僥僇耳款

塞自至款扣僬僥僇耳解見明紀克伐鬼方開道西域鬼方遠方易曰高宗伐鬼

方三年威靈廣被無思不服以烝庶為憂不以天下為

樂備三雍之教躬養老之禮作登歌正雅樂博貫六藝

周禮保氏教之六藝一曰禮二曰樂三曰射四曰馭五曰書六曰數前書藝文志曰以禮樂春秋易詩書為六

順治十七年刊

藝博貫謂究極深幽耳

不舍晝夜聰明淵塞著在圖識

河圖曰圖出代九天

開明受用嗣典十代以光又括地象曰十代禮樂文雅並出謂明帝也

至德所感通於神

明功烈光於四海仁風行於千載而深執謙謙自稱不

德無起復廟埽地而祭除日祀之法

春秋外傳曰日祭月祀時享祖禰則

日祭高曾則月祀三祧則時享今此除日祀之法從時月之祭

省送終之禮遂藏至於

光烈皇后更衣別室天下聞之莫不悽愴陛下至孝烝

烝奉順聖德臣愚以為更衣在中門之外處所殊別宜

尊廟曰顯宗其四時禘祫於光武之堂間祀悉還更衣

續漢書曰五年再殷祭三年一祫五年一禘父為昭南向子為穆北向禘以夏四月祫以冬十月禘之為言諦諦審昭穆尊卑之義祫者合也冬十月五穀成故骨肉合飲食於祖廟謂之殷祭四時正祭外有五月嘗麥三

伏立秋嘗棗盛酌十月嘗稻謂之間祀即各於更衣之殿更衣者非正處也園中有寢有便殿寢者陵上正殿便殿寢側之別殿即更衣也○劉放曰注立秋嘗棗

盛酌棗漢制立秋嘗棗棗稷也八月飲酌此文誤出一

盛字少八共進武德之舞如孝文皇帝祫祭高廟故事

前書高廟奏武德文始五行之舞

制曰可是歲牛疫京師及三州大旱

詔勿收交豫徐州田租芻橐其以見穀賑給貧人

○劉放曰

案詔無它語不當有其字

建初元年春正月詔三州郡國方春東作恐人稍受廩

往來煩劇或妨耕農

廩給也稍為少給之不頓與

其各實覈尤貧者

計所貸并與之

并言必政反

流人欲歸本者郡縣其實稟令

足還到聽過止官亭無雇舍宿長吏親躬無使貧弱遺

脫小吏豪右得容姦妄

前書曰百石已下有斗食佐吏之秩言小吏也詔書既

下勿得稽留刺史明加督察尤無狀者

無罪謂其罪惡尤大其狀無可

寄言故云無狀它皆類此

丙寅詔曰比年牛多疾疫墾田減少穀價

頗貴人以流亡方春東作宜及時務二千石勉勸農桑

弘致勞來羣公庶尹各推精誠專急人事罪非殊死須

立秋案驗有司明慎選舉進柔良退貪猾順時令理寬

獄五教在寬帝典所美

五教謂父義母慈兄友弟恭子孝也尚書舜典曰汝作司徒敬

敷五教在寬

愷悌君子大雅所歎

愷樂悌易也詩大雅洞酌篇曰愷悌君子人之父母

布告天下使明知朕意酒泉太守段彭討擊車師大破

之罷戊巳校尉官二月武陵澧中蠻叛

武陵郡今澧州永經曰澧水出

武陵充縣西歷山之北也

三月甲寅山陽東平地地震巳巳詔曰朕以

無德奉承大業夙夜慄慄不敢荒寧

孔安國注尚書曰不敢荒急自安寧

而災異仍見與政相應朕既不明涉道日寡又選舉乖

實俗吏傷人官職耗亂刑罰不中可不憂與昔仲弓季

氏之家臣子游武城之小宰孔子猶誨以賢才問以得

人

論語仲弓為季氏宰問政子曰赦小過舉賢才子游為武城宰孔子謂之曰汝得人焉耳乎

明政

無大小以得人為本夫鄉舉里選必累功勞今刺史守

相不明真偽茂才孝廉歲以百數既非能顯而當授之

政事甚無謂也每尋前世舉人貢士或起叨畝不繫閭

閭

說文曰叨田中之溝音工犬反史記曰明其等曰敷謂積其功曰閱言前代舉人務取賢才不拘門地

天啟二年刊

後漢書卷之三

奏以言則文章可採明試以功則政有異迹敷陳奏進也令各陳

進其言則知其能否也尚書曰敷奏以言明試以功則政之類文質彬彬朕甚嘉之彬

雜半之貌其令太傅三公中二千石二千石郡國守相舉賢

良方正能直言極諫之士各一人夏五月辛酉初舉孝

廉郎中寬博有謀任典城者以補長相任堪使也典主也長謂縣長相

謂疾相秋七月辛亥詔以上林池籟田賦與貧人籟禁苑也音語

前書音義曰折竹以繩懸連之使人不得往來謂之籟八月庚寅有星孛于天市

史記曰房為天駟東北曲十二星曰旗旗中四星曰天市九月永昌哀牢夷叛冬十

月武陵郡兵討叛蠻破降之十一月阜陵王延謀反貶為阜陵侯

二年春二月辛丑詔曰比年陰陽不調饑饉屢臻深惟

先帝憂人之本本謂稼穡詔書曰不傷財不害人誠欲元元

去未歸本而今貴戚近親奢縱無度嫁娶送終尤為僭

侈有司廢典莫肯舉察春秋之義以貴理賤今自三公

並宜明糾非法宣振威風朕在弱冠未知稼穡之艱難

區區管窺豈能照一隅哉其科條制度所宜施行在事

者備為之禁先京師而後諸夏甲辰罷伊吾盧屯兵永平

十六年置永昌越雋益州二郡民夷討哀牢破平之夏四月

戊子詔還坐楚淮陽事徙者四百餘家令歸本郡癸巳

詔齊相省水統方空穀吹綸絮統素也水言色鮮潔如水釋名曰穀紗也方空

者紗薄如空也或曰空孔也即今之方目紗也綸似絮而細吹者言吹噓可成亦紗也前書齊有三服官故詔齊相六月燒當羌叛金城太守郝崇討之敗績羌遂寇

漢陽秋八月遣行車騎將軍馬防討平之十二月戊寅有星孛于紫宮

三年春正月己酉宗祀明堂禮畢登靈臺望雲物大赦

天下三月癸巳立貴人竇氏為皇后賜爵人二級三老孝悌力田人三級民無名數及流民欲占者人一級鰥

寡孤獨篤癯貧不能自存者粟人五斛夏四月己巳罷常山呼沱石臼河漕石臼河名也在今定州唐縣東北

水運也音行車騎將軍馬防討當羌於臨洮臨洮名

西郡即今閩州西域假司馬班超擊姑墨夫破之姑墨

國名去長安八千里冬十二月丁酉以馬防為車騎將軍武

陵淩中蠻叛淩水名音與女源出今是歲零陵獻芝草

四年春二月庚寅太尉公十融薨夏四月戊子立皇子慶

為皇太子賜爵人二級三老孝悌力田人三級民無名

數及流人欲自占者人一級鰥寡孤獨篤癯貧不能自

存者粟人五斛己丑徙鉅鹿王恭為江陵王汝南王暢

為梁王常山王昞為淮陽王辛卯封皇子伉音抗為千乘

王金為平春王平春縣屬江夏郡五月丙辰車騎將軍馬防罷

甲戌司徒鮑昱為太尉南陽太守桓虞為司徒屬馬字狎

六月癸丑皇太后馬氏崩秋七月壬戌葬明德皇太

后冬牛大疫十一月壬戌詔曰蓋三代導人教學為本

漢承暴秦衰顯儒術建之五經為置博士其後學者精

進雖曰承師亦別名家言雖承一師之業其後韻類而

孝宣皇帝以為去聖久遠學不厭博故遂立大小長更為章句則別為一家之學

尚書後又立京氏易大小夏侯謂夏侯勝勝從至

中復置顏氏嚴氏春秋大小戴禮博士嚴氏謂顏

大小戴戴也此皆所以扶進微學尊廣道執也中元

詔書五經章句煩多議欲減省至永平元年長水

校尉條樊奏言先帝大業當以時施行欲使諸儒共正

頗令學者得以自助孔子曰學之不講是吾憂也又曰

博學而篤志切問而近思仁在其中矣於戲其勉之哉

於是下太常將大夫博士議即即官博士上屬太及

諸儒會白虎觀講議五經同異使五官中郎將魏應承

制續漢志曰五官中郎將此二千石侍中淳于恭奏帝親稱制臨決

如孝宣甘露石渠故事前書甘露三年詔諸儒講五經

制臨決焉又曰施讎甘露中論五經於石渠閣作白虎

議奏今白是歲甘露降泉陵洮陽二縣二縣屬零陵郡

州零陵縣北洮陽故城在今湘源縣西北

五年春二月庚辰朔日有食之詔曰朕新離供養去年

馬太



崩愆咎衆著上天降異大變隨之詩不云乎亦孔之醜

詩小雅曰朔日辛卯日有食之亦孔之醜孔甚也醜惡也又久旱傷麥憂心慘切公

卿已下其舉直言極諫能指朕過失者各一人遣詣公

車將親覽問焉其以巖穴為先勿取浮華前書鄒陽曰

甲申詔曰春秋書無麥苗董之也春秋莊公七年秋大水無麥苗公年傳曰

一災不書待無麥然後書無苗何休注去秋雨澤不適

日不書穀至麥苗獨書十八食最重也

今時復旱如炎如焚炎林八言熱氣甚韓詩凶年無時而

為備未至朕之不德上罔系三光震慄切切痛心疾首音切

刀詩曰憂心切切前代聖君博思咨諏音子余反雖降

又曰疾如疾災咎輒有開厝反風之應武王有疾周公作請命之書

疑周公天乃大風禾木盡偃成王啓金匱得今予小子

徒慘慘而已其令二千石理冤獄錄輕繫禱五嶽四瀆

及名山能興雲致雨者冀蒙不崇朝徧雨天下之報尚書

大傳曰五嶽皆觸石出雲膚務加肅敬焉三月甲寅詔

曰孔子曰刑罰不中則人無所措手足今吏多不良擅

行喜怒或案不以罪迫脅無辜致令自殺者一歲且多

於斷獄甚非為人父母之意也書曰元后有司其議糾

舉之荆豫諸郡兵討破武陵淩中叛蠻夏五月辛亥詔

曰朕思遲直士側席異聞遲猶希望也音持二反側席

其先至者各以發憤吐懣略聞子大夫之志矣皆欲置

於左右顧問省納建武詔書又曰堯試臣以職不直以言語筆札書舜典曰朕其試哉又曰歷試諸難札簡也今外官多曠並可以

補任戊辰太傅趙熹薨冬始行月令迎氣樂東觀記曰馬防上言

聖人作樂所以宣氣致和順陰陽也臣愚以為可因歲首發太簇之律奏雅頌之音以迎和氣時以作樂器費

多遂獨行十是歲零陵獻芝草有八黃龍見於泉陵伏

月迎氣樂也古今注曰見零陵泉陵湘水中相與戲西域假司馬班

其二大如馬有角六枚大如駒無角

超擊疏勒破之

六年春二月辛卯琅邪王京薨夏五月辛酉趙王盱薨

六月丙辰太尉鮑昱薨辛未晦日有食之秋七月癸巳

以大司農鄧彪為太尉

七年春正月沛王輔濟南王康東平王蒼中山王焉薨

海王政琅邪王宇來朝夏六月甲寅廢皇太子慶為清

河王立皇子肇為皇太子己未徙廣平王羨為西平王

秋八月飲酎高廟禘祭光武皇帝孝明皇帝前書高廟飲酎奏武

德五行之舞音義云正月旦作酒八月成名曰酎酎者

言醇也武帝時因八月嘗酎令諸侯出金助祭所謂酎

金也丁孚漢儀式曰九真交趾日南者用犀角二長九

寸若璫明甲一鬱林用象牙一長三尺已上若翠羽各

二十準甲辰詔書云劉歆曰案祖考來假明哲之祀

假音格格至也尚書夔曰於予擊石拊石搏拊琴瑟以詠祖考來格言明哲祭祀則能致祖考之神來至

天啟二年刊

後漢帝紀三

九

以先帝之坐

言顯宗神坐今新加之

悲傷感懷樂以迎來哀以送

往雖祭亡如在而空虛不知所裁庶或饗之豈亡克慎

肅雍之臣辟公之相

肅敬雍和相助也詩大雅曰有來雍雍至止肅肅相維辟公天子穆

穆言百辟諸侯來助祭皆有肅雍之德無懈慢也

皆助朕之依依

依依思慕之意

今賜

公錢四十萬卿半之及百官執事各有差九月甲戌幸

偃師東涉卷津

卷縣名屬河南郡也○卷音丘權反

至河內下詔曰車駕

行秋稼觀收穫因涉郡界皆精騎輕行無它輜重不得

輒脩橋道遠離城郭遣吏逢迎刺探起居

刺探謂候伺也○探音湯

出入前後以為煩擾動務省約但患不能脫粟瓢飲

耳晏子相齊食脫粟之飯所過欲令貧弱有利無違詔

書遂覽淇園

前書音義曰淇園衛之苑也

已酉進幸鄴勞饗魏郡守

令已下至于三老門闌走卒賜錢各有差勞賜常山趙

國吏人復元氏租賦三歲辛卯車駕還宮詔天下繫囚

減死一等勿笞詣邊戍妻子自隨占著所在父母同產

欲相從者恣聽之有不到者皆以乏軍興論

軍興而致闕乏當減

刑及犯殊死一切募下蠶室其女子宮繫囚鬼薪白粲

已上

前書曰鬼薪白粲已上皆三歲刑也男子為鬼薪取薪以給宗廟女子為白粲使擇米白粲粲然

皆減本罪各一等輸司寇作亡命贖死罪入縑二十四

匹右趾至髡鉗城旦春十匹完城旦至司寇三匹吏人

有罪未發覺詔書到自告者半入贖冬十月癸丑西巡

狩幸長安丙辰祠高廟遂有事十一陵遣使者祠太上

皇於萬年

太上皇帝祖父也名熹音它官反一名執嘉三輔黃圖曰高祖初都雒陽太上皇崩塋櫟陽北原陵號萬年仍令置萬年縣在今櫟陽東北故祭祀焉

以中牢祠蕭何霍光進

幸槐里岐山得銅器形似酒罇獻之又獲白鹿帝曰上

無明天子下無賢方伯

已見明帝紀

人之無良相怨一方

詩小

雅也良善也言王者所為無有善者各相與於一方而怨之義見韓詩

斯器亦曷為來哉

公羊傳曰孔子抱麟而泣曰孰為來哉孰為來哉

又幸長平御池陽宮

前書音義曰長

平坂在池陽南有長平觀去長安五十餘里

東至高陵造舟於涇而還

造至也謂

次比舟令相至為橋而度也爾雅曰天子造舟諸侯維舟大夫方舟士持舟

每所到幸輒會

郡縣吏人勞賜作樂十一月詔勞賜河東守令掾以下

十二月丁亥車駕還宮是歲京師及郡國蝗

八年春正月壬辰東平王蒼薨三月辛卯葬東平憲王

賜鑾輅龍旂夏六月北匈奴大人率眾款塞降冬十二

月甲午東巡狩幸陳留梁國淮陽潁陽戊申車駕還宮

詔曰五經剖判去聖彌遠章句遺辭乖疑難正恐先師

微言將遂廢絕非所以重稽古求道真也其令群儒選

高才生受學左氏穀梁春秋古文尚書毛詩以扶微學

廣異義焉是歲京師及郡國螟

元和元年春正月中山王焉來朝日南徼外蠻夷獻生

犀白雉

劉欣明交州記曰犀其毛如豕蹠有三甲頭如馬有三角鼻上角短額上頭上角長異物志曰

角中特有光耀白理如線自本達末則為通天犀閏月辛丑濟陰王長薨二月

甲戌詔曰王者八政以食為本尚書洪範八政一曰食是為政本故古

者急耕稼之業致耒耜之勤節用儲蓄以備凶災是以

歲雖不登而人無饑色自牛疫已來穀食連少良由吏

教未至刺史二千石不以為負負猶憂也其令郡國募人無

田欲徙它界就肥饒者恣聽之到在所賜給公田為雇

耕傭賃種餉餉糧也古餉字音式上反貫與田器勿收租五歲除算

三年其後欲還本鄉者勿禁夏四月己卯分東平國封

憲王蒼子尚為任城王六月辛酉沛王輔薨秋七月丁

未詔曰律云掠者唯得榜笞立蒼頡篇曰掠間也廣雅曰榜擊也音彭說文曰

笞擊也立謂立而考訊之又令丙箠長短有數令丙為篇之次也前書音義曰令有先後

有令甲令乙令丙又景帝京師定箠令箠長五尺木大

一寸其竹也未薄半寸其平去節故云長短有數也

自往者大獄已來掠考多酷鈇鑽之屬大獄謂楚王英等事也鈇音其

廉反說文曰鈇鉞也國語曰中利用鑽鑿皆謂慘酷其肌膚也慘苦無極念其痛毒怵

然動心書曰鞭作官刑豈云若此孔安國注尚書曰以鞭為理官事之刑

宜及秋冬理獄明為其禁八月甲子太尉鄧彪罷大司

農鄭弘為太尉癸酉詔曰朕道化不德吏政失和元元

未諭抵罪於下寇賊爭心不息邊野邑屋不修修或作充永

惟庶事思稽厥眾與凡百君子共弘斯道中心悠悠將

何以寄其改建初九年為元和元年郡國中郡官繫囚

減死一等勿笞詣邊縣妻子自隨占著在所其犯殊死一切募下蠶室其女子宮繫囚鬼薪白粲以上皆減本罪一等輸司寇作亡命者贖各有差丁西南巡狩詔所經道上郡縣無得設備時儲積也時具也命司空自將徒支柱橋梁柱音竹主反有遣使奉迎探知起居二千石當坐其賜鰥寡孤獨不能自存者粟人五斛九月乙未東平王忠薨辛丑幸章陵祠舊宅園廟見宗室故人賞賜各有差冬十月己未進幸江陵詔廬江太守祠南嶽又詔長沙零陵太守祠長沙定王春陵節侯鬱林府君還幸宛十一月己丑車駕還宮賜從者各有差十二月壬

子詔曰書云父不慈子不祇兄不友弟不恭不相及也

祇敬也左傳胥臣云康誥曰父不慈子不祇兄不友弟不恭不相及也今康誥之言事同而文異往者

妖言大獄所及廣遠一人犯罪禁至三屬即三族也謂父族母族及

妻族莫得垂纓士官王朝如有賢才而沒齒無用朕甚憐

之非所謂與之更始也諸以前妖惡禁錮者一皆蠲除

之左傳曰以重幣錮之杜預注曰禁錮勿令仕也以明棄咎之路但不得在宿

衛而已

二年春正月乙酉詔曰令云人有產子者復勿算三歲

今諸懷姙者說文曰姙孕也賜胎養穀人三斛復其夫勿算一

歲者以為令又詔三公曰方春生養萬物葶甲前書音義曰葶

葉裏白皮也易曰百果甲折也宜助萌陽以育時物其令有司罪非殊

死且勿案驗及吏人條書相告不得聽受條事也冀以息

事寧人敬奉天氣立秋如故夫俗吏矯飾外貌似是而

非揆之人事則悅耳論之陰陽則傷化朕甚饜之甚苦

之安靜之吏悃悃無華說文云悃悃至誠也悃音苦本反悃音孚逼反日計不

足月計有餘莊子曰有庚桑子者徧得老聃之道以居

來吾洒然異之今吾日計之不如襄城令劉方方字伯

足歲計之有餘庶幾其聖人乎人吏人同聲謂之不煩雖未有它異斯亦殆近之矣間

勅二千石各尚寬明而今富姦行賂於下貪吏枉法於

上使有罪不論而無過被刑甚大逆也夫以苛為察以

刻為明以輕為德以重為威四者或興則下有怨心昔

詔書數下冠蓋接道而吏不加理人或失職其咎安在

勉思舊令稱朕意焉二月甲寅始用四分歷續漢書曰

盛京房鮑業等以四分歷請與待詔楊岑等詔曰今山

川鬼神應典禮者尚未咸秩咸皆也秩序也言山川之

咸秩無文其議增修群祀以祈豐年丙辰東巡狩己未鳳皇

集肥城肥城縣名屬太山郡故城在今濟州平陰縣西南乙丑帝耕於定陶詔

曰三老尊年也孝悌淑行也力田勤勞也國家甚休之

其賜帛人一匹勉率農功使使者祠唐堯於成陽靈臺

成陽縣屬濟陰郡郭緣生述征記曰成陽縣東南有堯母慶都臺上有祠廟堯母陵俗亦名靈臺大母辛

天啟二年刊

後漢帝紀三

七

未幸太山柴告岱宗有黃鵠三十從西南來經祠壇上

東北過于宮屋翺翔升降進幸奉高壬申宗祀五帝于

汶上明堂前書曰濟南人公玉帶上黃帝時明堂圖中有一殿四面無壁以茅蓋通水水圍宮垣為

復道上有樓從西南入名曰崑崙以拜祀上帝於是土

作明堂於汶上如帶圖焉汶水出太山朱虛縣萊蕪山

癸酉告祠二祖四宗二祖謂高祖世祖四宗謂文帝為太宗武帝為世宗宣帝為中宗明

告祠明堂以章先勲其二王之後禮記曰存二王之後尊賢不過三代公羊

傳曰存二王之後所以通三王也漢之二王殷周之後也先聖之胤東觀記曰孔子後褒成侯等咸

來助祭東后蕃衛東后謂東方國家也諸侯為天子蕃屏故曰蕃衛伯父伯兄仲

叔季弟幼子童孫尚書呂刑文皆天子同姓諸侯有百父叔兄弟子孫列者故總而同之

僚從臣宗室眾子要荒四裔要荒二服名要服去王城二千五百里重者言可要東以文教荒者言其荒忽無常也裔遠也沙漠之北葱嶺

之西西河舊事曰葱嶺山名在敦煌西其山高大多葱故以名焉冒彰之類字書曰彰音而音須鬚多蒙冒其面或曰跋涉懸度草行曰跋

左傳子太叔曰跋涉山川西域傳曰懸度者石山也溪

谷不通以繩索相引而度去陽關五千八百五十里

陵踐阻絕駿奔郊時駿疾也音俊尚書駿奔走在廟郊時祭天處也前書音義曰時神靈

之居上者咸來助祭祖宗功德延及朕躬予一人空虛多疚

纂承尊明疾病也纂繼也盥洗享薦慙愧祗慄詩不云乎君子

如祉亂庶遄已詩小雅遄速也已止也祉福也鄭玄汪云福者福賢者謂爵祿之也如此則亂

亦庶幾可疾止也歷數既從靈耀著明歷數既從謂行四分歷也靈耀著明謂日月貞

天啟二年刊 後漢帝紀三 五



明亦欲與士大夫同心自新其大赦天下諸犯罪不當

得赦者皆除之復博奉高嬴無出今年田租芻稟戊寅

進幸濟南濟南縣名故城在今濟州長山縣西北三月巳丑進幸魯祠東

海恭王陵庚寅祠孔子於闕里及七十二弟子賜褒成

侯及諸孔男女帛壬辰進幸東平祠憲王陵陵在今鄆州須昌縣

東甲午遣使者祠定陶太后恭王陵太后即元帝傳昭儀也定陶恭王康

其陵在今曹州濟陰縣北乙未幸東阿北登太行山至天井關在今

晉城縣南今太行山上夏四月乙巳客星入紫宮乙卯

車駕還宮庚申假于祖禰假至也音格禰父廟易曰王假有廟告祠高廟

五月戊申詔曰乃者鳳皇黃龍鸞鳥比集七郡孫柔之曰

鸞鳥者赤神之精鳳皇之佐雞身赤毛色亦被五彩或鳴中五音人君進退有度親疏有序則至也此類也

一郡再見及白鳥神雀甘露屢臻祖宗舊事或班恩施

武帝時芝草生于甘泉宮宣帝時嘉穀玄稷降于郡國神雀仍集皆大赦天下其賜天下吏爵

人三級高年鰥寡孤獨帛人一匹經曰無侮鰥寡惠此

帛獨加賜河南女子百戶牛酒前書音義蘇林曰男子賜爵女子賜牛酒姚察

云女子謂賜爵者之妻史記封禪書百戶牛一頭酒十石臣賢案此女子百戶若是戶頭之妻不得更稱為戶

此謂女戶頭即今之女戶也天下稱慶令天下大酺五

日賜公卿已下錢帛各有差及雜陽人當酺者布戶一

匹城外三戶共一匹賜博士員弟子見在太學者布人

三匹令郡國上明經者口十萬以上五人不滿十萬三

人改廬江為六安國江陵復為南郡建初四年改為江陵國今又復之

徙江陵王恭為六安王秋七月庚子詔曰春秋於春每

月書王者重三正慎三微也三正謂天地人之正所以有三者由有三微之月王

者所當奉而成之禮記曰正朔三而改文質再而復三微者三正之始萬物皆微物色不同故王者取法焉十一月時陽氣始施於黃泉之下色皆赤赤者陽氣故周

為天正色尚赤十二月萬物始牙而色白白者陰氣故殷為地正色尚白十二月萬物孳甲而出其色皆黑

得加功展業故夏為人正色尚黑尚書大傳曰夏十二月為正平旦為朔殷以十二月為正雞鳴為朔周以十二月為正夜半為朔必以三微之月為正者當爾之時

物皆尚微王者受命當扶微理弱奉成之義也律十二月立春不以報囚報猶論也

立春陽氣至可以月令冬至之後有順陽助生之文月

施生故不論囚仲冬是月也日短至陰陽爭諸生蕩君而無鞠獄斷刑

子身欲寧事欲靜以待陰陽之所定也

之政朕咨訪儒雅稽之典籍以為王者生殺宜順時氣

其定律無以十一月十二月報囚九月壬辰詔鳳皇黃

龍所見亭部無出二年租賦東觀記曰黃龍見肥城可

龍見雜陽元延亭部窳音庾加賜男子爵人二級先見者帛二十四

近者三匹太守三十四匹令長十五匹丞尉半之詩云雖

無德與汝式歌且舞詩小雅也取雖無大德要有它如喜悅之心欲歌舞也式用也

賜爵故事丙申徵濟南王康中山王焉會烝祭冬十一

月壬辰日南至初閉關梁易曰先王以至日閉關商旅不行王弼注曰冬至陰之復

夏至陽之復故為復即至於寂然大靜先王則天地而行者也

三年春正月乙酉詔曰蓋人君者視民如父母有憐怛

之憂有忠和之教匍匐之救

周禮鄉司徒以鄉三物教萬民一曰六德謂智仁聖

義忠和詩即風曰凡民有喪匍匐救之

其嬰兒無父母親屬及有子不能

養食者稟給如律丙申北巡狩濟南王康中山王焉西

平王羨六安王恭樂成王黨淮陽王昞任城王尚沛王

定皆從辛丑帝耕于懷二月壬寅告常山魏郡清河鉅

鹿平原東平郡太守相曰朕惟巡狩之制以宣聲教考

同遐邇解釋結寃也今四國無政不用其良

詩小雅曰日月告凶

不用其行四國無政不用其良言四方之國無政者由天子不用善人也

駕言出游欲親知

其劇易前祠園陵遂望祀華霍

華霍山名也今在廬江

爾雅曰華山為西嶽霍山為南嶽

東柴岱宗為人祈福今將禮常山

祖北上歷魏郡經平原升踐隄防詢訪耆老咸曰往者

汴門未作深者成淵淺則泥塗追惟先帝勤人之德

謂永

平十二年

底績遠圖復禹弘業

尚書曰覃懷底績孔安國注云底置績功也遠

圖猶長算也言能復禹為理水之大功

聖跡滂流至于海表不克堂構朕

甚慙焉

尚書曰若考作室既底法厥子乃不肯堂矧肯構

月令孟春善相丘陵

土地所宜

月令孟春之月善相丘陵阪險原隰上地所宜五穀所殖以效導人必躬親之田事既飭

今肥田尚多未有墾闢其悉以賦貧民給與糧種務盡

地力勿令游手所過縣邑聽半入今年田租以勸農夫

之勞乙丑勅侍御史司空曰方春所過無得有所伐殺

車可以引避引避之駢馬可輟解輟解之

夾朝者為服馬服馬外為

駢詩云敦彼行葦牛羊勿踐履詩大雅云鄭玄注曰敦敦然道旁之葦牧羊

者無使踐履折傷之况於人乎禮人君伐一草木不時謂之不孝禮記孔子

曰伐一樹殺一獸不以其時非孝也俗知順人莫知順天其明稱朕意戊

辰進幸中山遣使者祠北嶽出長城史記蒙恬為秦築長城西自臨洮東

至海癸酉還幸元氏祠光武顯宗於縣舍正堂明日又祠

顯宗于始生堂皆奏樂明帝生于常山元氏傳舍也三月丙子詔高

邑令祠光武卽位壇復元氏七年徭役已卯進幸趙庚

辰祠旁山於靈壽靈壽縣名屬常山郡今恒州縣也房山在今恒州房山縣縣西北俗名王

毋山上有王毋祠辛卯車駕還宮賜從行者各有差夏四月丙

寅太尉鄭弘免大司農宋由為太尉由字叔路長安人五月丙

子司空第五倫罷太僕袁安為司空秋八月己丑幸安

邑觀鹽池許慎云河東鹽池至五十一里廣七里周百一十六里今蒲州虞鄉縣西九月至

自安邑冬十月北海王基薨燒當羌叛寇隴西是歲西

域長史班超擊斬疏勒王

章和元年春三月護羌校尉傅育追擊叛羌戰歿夏四

月丙子令郡國中都官繫囚減死一等詣金城戌六月

戊辰司徒桓虞免癸卯司空袁安為司徒光祿勳任隗

為司空桓虞字仲春馬翊萬年人隗字仲和南陽宛人秋七月癸卯齊王晃有

罪貶為蕪湖侯蕪湖縣名屬丹陽故城在今宣州當塗縣東南壬子淮陽王昞

薨鮮卑擊破北單于斬之燒當羌寇金城護羌校尉劉

盱討之斬其渠帥壬戌詔曰朕聞明君之德啟迪鴻化

緝熙康又光照六幽緝熙光明也六幽謂六合幽隱之處也訖惟人面靡

不率俾仁風翔于海表威霆行乎鬼區鬼區即鬼方然後敬

恭明祀膺五福之慶獲來儀之貺尚書五福一曰壽二曰富三曰康寧四曰

攸好德五曰考終命來儀謂鳳也書曰鳳皇來儀朕以不德受祖宗弘烈乃者

鳳皇仍集麒麟並臻甘露宵降嘉穀滋生芝草之類歲

月不絕朕夙夜祇畏上天無以彰于先功今改元和四

年為章和元年秋令是月養衰老授几杖行糜粥飲食

月令仲秋之令其賜高年二人共布帛各一匹以為醴酪歿罪

囚犯法在丙子赦前而後捕繫者皆減歿勿笞詣金城

戌八月癸酉南巡狩壬午遣使者祠昭靈后於小黃園

小黃縣屬陳留郡故城在今汴州陳留縣東北漢書儀曰昭靈后高祖母起兵時歿小黃北後為作園廟于小

黃柵陳留風俗傳曰沛公起兵野戰喪皇妣于黃鄉天

下平定仍使使者以梓宮招魂幽野於是丹蛇在水自

酒濯之入于梓宮其浴處有遺髮故謚曰昭靈夫人甲申徵任城王尚會睢陽戊

子幸梁巳丑遣使祠沛高原廟豐枌榆社前書音義曰枌白榆高祖

里社在豐縣東北十五里原廟解見光武紀乙未幸沛祠獻王陵徵會東海

王政乙未晦日有食之九月庚子幸彭城東海王政沛

王定任城王尚皆從辛亥幸壽春壬子詔郡國中都官

繫囚減歿罪一等詣金城戌犯殊歿者一切募下蠶室

其女子宮繫囚鬼薪白粲巳上減罪一等輸司寇作亡

命者贖罪死縑二十匹右趾至髡鉗城旦春七匹完城旦至司寇三匹吏民犯罪未發覺詔書到自告者半入

贖復封阜陵侯延為阜陵王已未幸汝陰縣名屬汝南郡今潁州縣

冬十月丙子車駕還宮北匈奴屋蘭儲等率眾降是歲

西域長史班超擊莎車大破之月氏國遣使獻扶拔師

子扶拔似麟無角拔音步末反

二年春正月濟南王康阜陵王延中山王焉來朝壬辰

帝崩於章德前殿年三十三遺詔無起寢廟一如先帝

法制

論曰魏文帝稱明帝察察章帝長者以上華嶠之辭章帝素知

人厭明帝苛切事從寬厚感陳寵之義除慘獄之科寵為尚書以吏政嚴切乃上書除慘酷之科五十餘條具本傳也

令元和二年令諸懷奉承明德太后盡心孝道割裂名

都以崇建周親周至平徭簡賦而人賴其慶又體之以

忠恕文之以禮樂故乃蕃輔克諧群后德讓謂之長者

不亦宜乎在位十三年郡國所上符瑞合於圖書者數

百千所烏呼懋哉懋美也

贊曰肅宗濟濟天性愷悌於穆后德諒惟淵體於穆歎美也尚

書曰齊聖左右執文斟酌律禮執文謂諸儒講五經同異帝親稱制論決也律

謂詔云立春不以報囚也思服帝道弘此長懋儒館獻

禮謂修禘禘禘登靈臺之屬天啟二年刊

歌戎亭虛候

獻歌謂崔駰游太學時上四巡等頌

氣調時豫憲平入富

書曰南宗承齊天判豈制太師司對京對萬豐

賈曰南宗承齊天判豈制太師司對京對萬豐

百子尚書

不...

...

...

...

...

...

和殤帝紀第四

後漢書四

孝和皇帝諱肇

謚法曰不剛不柔曰和伏侯古今注曰肇之字曰始肇音兆臣賢案許慎說文

肇音大可反上諱也但伏侯許慎並漢時人而帝諱不同蓋應別有所據

肅宗第四子也母

梁貴人爲竇皇后所譖憂卒竇后養帝以爲己子建初

七年立爲皇太子章和二年二月壬辰卽皇帝位年十

歲尊皇后曰皇太后太后臨朝三月丁酉改淮陽爲陳

國今陳州楚郡爲彭城國今徐州

西平并汝南郡

西平縣故柏子國也

在今豫州吳房縣西北

六安復爲廬江郡

卽今廬州廬江縣西故舒城是

遺詔徙

西平王羨爲陳王六安王恭爲彭城王癸卯葬孝章皇

帝於敬陵

在洛陽城東南二十九里古今注曰陵周三百步高六丈二尺

庚戌皇太后

順治十七年刊

後漢帝紀四

詔曰先帝以明聖奉承祖宗至德要道天下清靜庶事

咸寧今皇帝以幼年煢煢在疚疚病也煢煢朕在憂病之中也煢或作嫗詩周

頌云嫗朕且佐助聽政外有大國賢王並為藩屏內有

公卿大夫統理本朝恭已受成夫何憂哉然守文之際

必有內輔以參聽斷侍中憲朕之元兄行能兼備忠孝

尤篤先帝所器親受遺詔當以舊典輔斯職焉憲固執

謙讓節不可奪今供養兩宮兩宮謂帝宮太后宮宿衛左右厥事

已重亦不可復勞以政事故太尉鄧彪元功之族三讓

彌高元功謂高密侯禹也彪父邯中興初有功封鄧侯父卒彪讓國異母弟鳳鄭玄注云太伯周太王之

長子欲讓其弟季歷太王有疾太伯因適吳越採藥太王薨而不返季歷為喪主一讓也季歷赴之不來奔喪

二讓也終喪之後遂斷髮文身海內歸仁為群賢首先

三讓也彪讓封弟故以比之帝褒表欲以崇化今彪聰明康疆可謂老成黃耆矣老成

言老而有成德也詩大雅曰雖無老成人黃耆謂其以彪

髮落更生黃耆者考亦老也詩序曰外尊事黃耆為太傅賜爵關內侯錄尚書事百官總已以聽朕庶幾

得專心內位於戲群公其勉率百僚各脩厥職愛養元

元綏以中和稱朕意焉辛酉有司上奏孝章皇帝崇弘

鴻業德化普洽垂意黎民留念稼穡文加殊俗武暢方

表戒惟人面無思不服巍巍蕩蕩莫與比隆周頌曰於穆

清廟肅雝顯相請上尊廟曰肅宗共進武德之舞制曰

可癸亥陳王羨彭城王恭樂成王黨下邳王衍梁王暢

順治十七年刊

後漢帝系四

二



始就國

建初二年章帝不忍與諸王乖離皆留京師今遣之國

夏四月丙子謁高

廟丁丑謁世祖廟戊寅詔曰昔孝武皇帝致誅胡越故

權收鹽鐵之利

武帝使孔僅東郭咸陽乘傳舉行天下鹽鐵作官府收利私家更不得鑄鐵煮

鹽以奉師旅之費自中興以來匈奴未賓永平末年復

修征伐先帝卽位務休力役然猶深思遠慮安不忘危

探觀舊典復收鹽鐵欲以防備不虞寧安邊境而吏多

不良動失其便以違上意先帝恨之故遺戒郡國罷鹽

鐵之禁縱民鑄煮入稅縣官如故事

前書音義曰其中縣官謂天子

勅刺史二千石奉順聖旨勉弘德化布告天下使明知

朕意五月京師早詔長樂少府桓郁侍講禁中

長樂宮之少府

也郁桓榮子

冬十月乙亥以侍中竇憲為車騎將軍伐北匈

双安息國遣使獻師子扶拔

扶拔解見章帝紀

永元元年春三月甲辰初令郎官詔除者得占丞尉以

比秩為真

漢官儀曰羽林郎出補三百石丞尉自占丞尉小縣丞尉三百夫其次四百石比秩為真

皆所以擾之

夏六月車騎將軍竇憲出雞鹿塞

今在朔方窳渾縣北關駟

十三州志云窳渾縣有大道西北出雞鹿塞窳音羊主反

度遼將軍鄧鴻出柁楊塞

柁楊縣屬九原郡故城在今勝州銀城界縣也柁音固

南單于出滿夷谷

北匈奴戰于稽落山大破之追至和渠北鞬海竇憲遂

登燕然山刻石勒功而還北單于遣弟右温禺鞬王

鞬音

丁亥奉奏貢獻秋七月乙未會稽山崩閏月丙子詔曰

崇禎三年刊

後漢書紀四

三

匈奴背叛為害久遠賴祖宗之靈師克有捷醜虜破碎

遂掃厥庭詩曰仍軌醜虜庭謂單于所常居也役不再籍猶言不籍再舉萬里清

蕩非朕小子眇身所能克堪有司其案舊典告類薦功

以章休烈類祭天也書曰類于上帝九月庚申以車騎

將軍竇憲為大將軍以中郎將劉尚為車騎將軍冬十

月令郡國弛刑輸作軍營其徙出塞者刑雖未竟皆免

歸田里庚子阜陵王延薨是歲郡國九大水

二年春正月丁丑大赦天下二月壬午日有食之東觀記曰

史官不覺巳亥復置西河上郡屬國都尉官前書西河

上郡龜茲縣並屑屬國都尉其秩比二千石十三州志曰典屬國武帝置掌納匈奴降者也哀帝省并大鴻臚

故今復置之夏五月庚戌分太山為濟北國分樂成涿郡勃

海為河間國丙辰封皇弟壽為濟北王開為河間王淑

為城陽王紹封故淮陽王昞子側為常山王賜公卿以

下至佐史錢布各有差巳未遣副校尉閻磐討北匈奴

取伊吾盧地丁卯紹封故齊王晃子無忌為齊王北海

王陸子威為北海王車師前後王並遣子入侍車師有後王前

王前王即後王之子月氏國遣兵攻西域長史班超超

其庭相去五百里擊降之六月辛卯中山王焉薨秋七月乙卯大將軍竇

憲出屯涼州九月北匈奴遣使稱臣冬十月遣行中郎

將班固報命南單于遣左谷蠡王師子左谷蠡匈奴王號師子其名也

崇禎三年刊

谷音鹿 出雞鹿塞擊北匈奴于河雲北大破之

三年春正月甲子皇帝加元服元首也謂加冠於首儀禮冠者先養日後筮賓

東觀記曰時太后詔袁安為賓賜束帛乘馬賜諸侯王公將軍特進漢官儀

功德優盛朝廷所敬異中二千石列侯宗室子孫在京

帥奉朝請者黃金奉朝請無負三公外戚宗室諸侯將多奉朝請漢律器曰朝秋曰請

大夫郎吏從官帛將謂五官及左右郎將也大夫謂光祿大中散諫議大夫也十三州志

日大夫皆掌顧問應對言議夫賜民爵及粟帛各有差

大酺五日郡國中都官繫囚死罪贖縑至司寇作及亡

命各有差庚辰賜京師民酺布兩戶共一匹二月大酺

軍實憲遣左校尉耿夔出居延塞居延縣屬張掖郡居延澤在東北武帝使

伏波將軍路博德築圍北單于於金微山大破之獲其

母闕氏闕氏匈奴后之號也音焉支夏六月辛卯尊太后母比陽公

主東海恭王疆女為長公主辛丑阜陵王种薨阜陵王延之子冬十月

癸未行幸長安詔曰北狄破滅名王仍降西域諸國納

質內附豈非祖宗迪哲重光之鴻烈歟寤寐歎息想望

舊京其賜行所過二千石長吏以下及三老官屬錢帛

各有差鰥寡孤獨篤癯貧不能自存者粟人三斛十一

月癸卯祠高廟遂有事十一陵詔曰高祖功臣蕭曹為

首有傳世不絕之義曹相國後容城侯無嗣朕望長陵

東門見二臣之壠東觀記曰蕭何墓在長陵東司馬門道北百步廟記云曹參冢在長陵旁

道北近循其遠節每有感焉忠義獲寵古今所同可遣

使者以中牢祠大鴻臚求近親宜為嗣者須景風紹封

以章厥功續漢志曰大鴻臚掌封拜諸侯及其嗣春秋考異郵曰夏至四十五日景風至則封其有

也功十二月復置西域都護騎都尉戊巳校尉官庚辰至

自長安減弛刑徒從駕者刑五月

四年春正月北匈奴右谷蠡王於除韃自立為單于款

塞乞降於除韃名也韃音九言反遣大將軍左校尉耿夔授璽綬東

記曰賜玉具劍羽蓋車一三月癸丑司徒袁安薨閏月

丁丑太常丁鴻為司徒夏四月丙辰大將軍竇憲還至

京師六月戊戌朔日有食之丙辰郡國十三地震竇憲

潛圖弒逆庚申幸北宮詔收捕憲黨射聲校尉郭璜郭

子東觀記曰璜作理音同璜子侍中舉衛尉鄧疊疊弟步兵校尉磊

皆下獄死使謁者僕射續漢書曰謁者僕射一人秩千石為謁者臺率主謁者天子出

奉引也收憲大將軍印綬遣憲及弟篤景就國到皆自殺

是夏旱蝗秋七月巳丑太尉宋由坐黨憲自殺八月辛

亥司空任瑰薨任光子也癸丑大司農尹睦為太尉錄尚書

事丁巳賜公卿以下至佐使錢穀各有差冬十月巳亥

宗正劉方為司空十二月壬辰詔今年郡國秋稼為旱

蝗所傷其什四以上勿收田租芻橐有不滿者以實除

之所損十不滿四者以見損除也武陵零陵澧中蠻叛燒當羗寇金城

順治十七年刊

五年春正月乙亥宗祀五帝於明堂遂登靈臺望雲物  
大赦天下戊子千乘王伉薨辛卯封皇 萬歲為廣宗

王廣宗縣名今貝州宗城縣二月戊戌詔有司省減內

外廡及涼州諸苑馬自京師離宮果園上林廣成囿悉

以假貧民恣得采捕不收其稅丁未詔曰去年秋麥入

少恐民食不足其上尤貧不能自給者戶口人數往者

郡國上貧民以衣履釜鬻為貨而豪右得其饒利鬻音

言曰甌自關而東謂之鬻貧人既計釜甌以為資才懼

於役重多即賣之以避科稅豪富之家乘賤買故得其

利詔書實覈欲有以益之而長吏不能躬親反更徵召

會聚令失農作愁擾百姓若復有犯者二千石先坐甲

寅太傅鄧彪薨戊午隴西地震三月戊子詔曰選舉良

才為政之本科別行能必由鄉曲周禮鄉大夫掌其鄉

其道藝三年而而郡國舉吏不加簡擇故先帝明勅在

所令試之以職乃得充選漢官儀曰建初八年十二月

德行高妙志節清白二曰經明行修能任博士三曰明

曉法律足以決疑能案章覆問才任御史四曰剛毅多

略遭事不惑明足照姦勇足決斷才任三輔令皆存孝

舉茂才尤異孝廉吏務實校試以職有非又德行尤異

其人不習曹事正舉者故不以實法也

不須經職者別署狀上而宣布以來出入九年二千石  
曾不承奉恣心從好司吏刺史訖無糾察今新蒙赦令  
且復申勅後有犯者顯明其罰在位不以選舉為憂督

察不以發覺為負負亦憂也非獨州郡也是以庶官多非其

人下民被姦邪之傷由法不行故也庚寅遣使者分行

貧民舉實流宄宄散也流散者舉案其實而給之開倉賑粟三十餘郡

夏四月壬子封阜陵王种兄魴為阜陵王种無嗣故以魴襲也六

月丁酉郡國三雨雹東觀記曰大如鴈子秋九月辛酉廣宗王萬

歲薨無子國除匈奴單于於除韃叛遣中郎將任尚討

滅之壬午令郡縣勸民蓄蔬食以助五穀其官有陂池

令得采取勿收假稅二歲假猶租賃冬十月辛未太尉尹睦

薨漢官儀曰睦字伯師鞏人十一月乙丑太僕張酺為太尉是歲武

陵郡兵破叛蠻降之護羌校尉貫友討燒當羌羌乃遁

去南單于安國叛骨都侯喜斬之

六年春正月永昌徼外夷遣使譯獻犀牛大象已卯司

徒丁鴻薨二月乙未遣謁者分行稟貸三河兗冀青州

貧民許侯馬光自殺東觀記曰光前坐黨附竇憲歸國為憲客奴所誣告乃自殺丁

未司空劉方為司徒大常張奮為司空三月庚寅詔流

民所過郡國皆實稟之其有販賣者勿出租稅漢循周法商賈

有稅流人販賣故矜免之又欲就賤還歸者復一歲田租更賦復音福

丙寅詔曰朕以眇末奉承鴻烈陰陽不和水旱違度濟

河之域凶饑流亡而未獲忠言至謀所以匡救之策寤

寐永歎用思孔疚孔甚也疚病也惟官人不得於上黎

天啓三年刊

後漢書卷四

民不安於下有司不念寬和而競為苛刻覆案不急以妨民事甚非所以上當天心下濟元元也思得忠良之士以輔朕之不逮其令三公中二千石二千石內郡守相舉賢良方正能直言極諫之士各一人昭巖穴披幽隱遣詣公車前書音義曰公車署名也公車所在故以名言漢官儀曰公車令一人秩六百石掌殿門諸上書詣闕下者皆集奏之凡所徵召亦總領之朕將悉聽焉帝乃親臨策問選補郎吏夏四月蜀郡徼外羗率種人遣使內附五月城陽王淑薨無子國除章帝子也六月己酉初令伏閉盡日漢官舊儀曰伏日萬鬼行故蓋日閉不干它事秋七月京師旱詔中都官徒各除半刑謫其未竟五月己下皆免遣丁巳幸洛陽寺

錄囚徒舉寃獄收洛陽令下獄抵罪司隸校尉河南尹皆左降未及還宮而澍雨西域都護班超大破焉耆尉犁斬其王自是西域降服納質者五十餘國南單于安國從弟子逢侯率叛胡亡出塞九月癸丑以光祿勳鄧鴻行車騎將軍事與越騎校尉馮柱行度遼將軍朱徽使匈奴中郎將杜崇討之冬十一月護烏桓校尉任尚率烏桓鮮卑大破逢侯關駟十三州志曰護烏桓擁節秩比二千石武帝置以護內附烏桓既而并於匈奴中郎將中興初班彪上言宜復此官以招附東胡乃復更置焉馮柱遣兵追擊復之○劉攽曰案文少一破字詔以渤海郡屬冀州武陵淩中蠻叛郡兵討平之

七年春正月行車騎將軍鄧鴻○劉邠曰按文亦少一事字度遼將

軍朱徽中郎將杜崇皆下獄死時南單于安國與崇不

斷其章緣此驚叛安國卒夏四月辛亥朔日有食之帝

引見公卿問得失令將大夫御史謁者博士議郎郎官

會廷中各言封事十三州志曰侍御史周官卽柱下史秩六百石掌注記言行糾諸不法員

十五人出有所案則稱使者焉謁者秦官也員七十人皆選孝廉年未五十曉解僨贊者歲盡拜縣令長史及

都官府丞長史博士秦官博通古今秩皆六十石孝武初置五經博士後稍增至十四員取聰明威重一人爲

祭酒主領焉議郎郎官皆秦官也冗無所掌秩六百石或四百石○劉邠曰注歲盡拜縣令長史及都官府丞

長史案文多一史字若是王國長史則當并守詔曰元丞言之明此但是令長耳下文又自有長史也

首不明化流無良政失於民謫見于天謫譴責也禮曰陽事不得謫見

于天日爲之食深惟庶事五教在寬是以舊典因孝廉之舉以

求其人武帝元光元年董仲舒初開其議詔郡國舉孝廉各一人有司詳選郎官寬

博有謀才任典城者三十人任堪也音仁林反旣而悉以所選

郎出補長相長縣長相侯相也十二州志云縣侯邑則令長爲相秋隨令長本秩五月辛

卯改千乘國爲樂安國千乘故城在今淄州高苑縣北樂安故城在今青州博昌縣南

六月丙寅沛王定薨秋七月乙巳易陽地裂易陽縣在易水之陽

今易州也九月癸卯京師地震

八年春二月巳丑立貴人陰氏爲皇后賜天下男子爵

人二級三老孝悌力田三級民無名數及流民欲占者

一級鰥寡孤獨篤癡貧不能自存者粟人五斛夏四月



癸亥樂成王黨薨甲子詔賑貸并州四郡貧民五月河

內陳留蝗南匈奴右溫禺犢王叛為寇秋七月行度遼

將軍龐奮○劉放曰亦少一事字九年越騎校尉馬柱

追討之斬右溫禺犢王車師後王叛擊其前王八月辛

酉飲酎詔郡國中都官繫囚減死一等詣敦煌戍其犯

大逆募下蠶室其女子宮自死罪已下至司寇作及亡

命者入贖各有差九月京師蝗吏民言事者多歸責有

司詔曰蝗蟲之異殆不虛生禮記月令曰孟夏行春令

則蝗蟲損稼萬方有罪在予一人而言事者專咎自下

非助我者也朕寤寐惘矜思弭憂釁尚書曰惘矜乃身

也矜病也言如痛病在身欲除之也○矜音古頑反昔楚嚴無災而懼解見成王

出郊而反風成王疑周公天乃大風禾則盡偃王將何

以匡朕不逮以塞災變百僚師尹勉修厥職刺史二千

石詳刑辟理冤虐恤鰥寡矜孤弱思惟致災興蝗之咎

庚子復置廣陽郡高帝時燕國也昭帝元鳳元年為冬

十月乙丑北海王威有罪自殺北海郡今十二月辛亥

陳王羨薨丁巳南宮宣室殿火

九年春正月永昌徼外蠻夷及揮國重譯奉貢揮音擅

作擅俗本以禪字相類或作禪者誤二月庚辰隴西地

也說文曰譯所以傳四夷之語也震癸巳濟南王康薨西域長史王林擊車師後王斬之

天啟二年刊

夏四月丁卯封樂成王黨子巡為樂成王六月蝗旱戊辰詔今年秋稼為蝗蟲所傷皆勿收租更芻橐若有所損失以實除之餘當收租者亦半入其山林饒利陂池漁採以贍元元勿收假稅秋七月蝗蟲飛過京師八月鮮卑寇肥如肥如縣屬遼西郡前書音義曰肥子奔燕封於此今平州也遼東太守祭參下獄死東觀記曰鮮卑千餘騎攻肥如城殺畧吏人祭參坐沮敗下獄誅閏月辛巳皇太后竇氏崩丙申葬章德皇后燒當羌寇隴西殺長吏遣行征西將軍劉尚越騎校尉趙世等討破之九月庚申司徒劉方策免自殺甲子追尊皇妣梁貴人為皇太后冬十月乙酉改葬恭懷梁皇后于西陵謚法曰正德美

容曰恭執義揚善曰懷東觀記曰改殯承光宮十一月儀比敬園初后葬有闕竇后崩後乃議改葬

癸卯光祿勳河南呂蓋為司徒蓋字君玉宛陵人也十二月丙寅

司空張奮罷壬申太僕韓稜為司空己丑復置若盧獄

官前書曰若盧獄屬少府漢舊儀曰主鞠將相大臣也

十年春三月壬戌詔曰隄防溝渠所以順助地理通理

壅塞禮記月令曰季春之月脩利隄防導達溝瀆開通道路無有障塞今廢慢懈弛不

以為負刺史二千石其隨宜疏導勿因緣妄發以為煩

擾將顯行其罰夏五月京師大水東觀記曰京師大雨南山水流出至東郊

壞人廬舍秋七月己巳司空韓稜薨八月丙子太常太山巢

堪為司空堪字次朗太山南城人九月庚戌復置廩犧官漢官儀曰廩犧

順治十七年刊

令一人秩冬十月五州雨水十二月燒當羗豪逃唐等六百石也率種人詣闕貢獻戊寅梁王暢薨

十一年春二月遣使循行郡國稟貸被災害不能自存者令得漁采山林池澤不收假稅丙午詔郡國中都官

徒及篤癯老小女徒各除半刑其未竟三月者皆免歸田里夏四月丙寅大赦天下已巳復置右校尉官東觀記曰

置在西河秋七月辛卯詔曰吏民踰僭厚死傷生是以

舊令節之制度頃者貴戚近親百僚師尹莫肯率從有司不舉怠放日甚又商賈小民或忘法禁竒巧靡貨流積公行其在位犯者當先舉正市道小民但且申明憲

綱勿因科令加虐羸弱

十二年春二月旄牛徼外白狼獲薄夷率種人內屬闕

十三州志曰旄牛縣屬蜀郡前書詔貸被災諸郡民種

糧賜不貧鰥寡孤獨不能自存者及郡國流民聽入陂

池漁采以助蔬食三月丙申詔曰比年不登百姓虛匱

京師去冬無宿雪今春無澍雨黎民流離困於道路朕

痛心疾者靡知所濟瞻仰昊天何辜今人詩大雅周宣王遇旱之詩

言今人何罪而三公朕之腹心而未獲承天安民之策

天今饑饉乎數詔有司務擇良吏今猶不改競為苛暴侵愁小民以

求虛名委任下吏假執行邪是以令下而姦生禁至而

崇禎三年刊

後漢帝紀四

十三

詐起巧法析律飾文增辭禮記王制曰析言破律也貨行於言罪成

乎手朕甚病焉公卿不思助明好惡將何以救其咎罰

咎罰既至復令災及小民若上下同心庶或有瘳其賜

天下男子爵人二級三老孝悌力田三級民無名數及

流民欲占者人一級鰥寡孤獨篤癯貧不能自存者粟

人三斛壬子賜博士員弟子在太學者布人三匹武帝時置

博士弟子太常釋人年十八以上儀狀端正者補焉昭帝增員滿百人宣帝倍之元帝更設員千人成帝更增

員三千人夏四月日南象林蠻夷反象林縣屬日南郡今鬱林州郡兵討

破之閏月賑貸敦煌張掖五原民下貧者穀戊辰秬歸

山崩秬歸縣屬南郡古之獲國今歸州也袁山松曰屈原此縣人既被流放忽然斃歸其姊亦來因名其

地為秬歸秬亦姊也東觀記曰秬歸山高四百餘丈崩填谿水壓殺百餘人六月舞陽大水

賜被水災充貧者穀人三斛秋七月辛亥朔日有食之

九月戊午太尉張酺免丙寅大司農張禹為太尉冬十

一月西域蒙奇兜勒二國遣使內附賜其王金印紫綬

是歲燒當羗復叛

十三年春正月丁丑帝幸東觀覽記書林閱篇籍博選術

藝之士以充其官二月任城王尚薨丙午賑貸張掖居

延朔方日南貧民及孤寡羸弱不能自存者秋八月詔

象林民失農桑業者賑貸種糧稟賜下貧穀食己亥北

宮盛饌門閣火護羗校尉周鮪擊燒當羗破之荊州雨

天啟二年刊

後漢帝紀

一四

水九月壬子詔曰荊州比歲不節今茲淫水為害

淮南子曰

女媧積蘆灰以止淫水高誘注云平地出水為淫水餘雖頗登而多不均浹深惟

四民農食之本慘然懷矜其令天下半入今年田租芻

橐有宜以實除者如故事貧民假種食皆勿收責冬十

一月安息國遣使獻師子及條枝大爵

西域傳曰安息國居和犢城去

維陽二萬五千里條枝國臨西海出師子大雀郭義恭廣志曰大爵頸及身膺蹄都似羣駝舉頭高八九尺張

翅丈餘食大麥其卵如甕卽今之駝鳥也丙辰詔曰幽并涼州戶口率少邊

役眾劇束修良吏進仕路狹撫接夷狄以人為本其令

緣邊郡口十萬以上歲舉孝廉一人不滿十萬二歲舉

一人五萬以下三歲舉一人鮮卑寇右北平遂入漁陽

漁陽太守擊破之戊辰司徒呂蓋罷十二月丁丑光祿

勳魯恭為司徒辛卯巫蠻叛寇南郡

巫縣屬南郡故城在今夔州巫山縣

也

十四年春二月乙卯東海王政薨繕修故西海郡

平帝時金

城塞外羌獻地以為西海郡也光武建武中省金城入隴西郡至是復繕修之金城卽今蘭州縣也徙金

城西部都尉以戍之三月戊辰臨辟雍饗射大赦天下

夏四月遣使者督荊州兵討巫蠻破降之庚辰賑貸張

掖居延敦煌五原漢陽會稽流民下貧穀各有差五月

丁未初置象林將兵長史官

闕駟十三州志曰將兵長史居在日南郡又有將兵

司馬去維陽九千六百三十里六月辛卯廢皇后陰氏后父特進綱自

順治十七年刊

後漢書卷四

五

殺秋七月甲寅詔復象林縣更賦田租芻橐二歲壬子  
 常山王側薨是秋三州雨水冬十月甲申詔兗豫荊州  
 今年水雨淫過多傷農功其令被害什四以上皆半入  
 田租芻橐其不滿者以實除之辛卯立貴人鄧氏為皇  
 后丁酉司空巢堪罷十一月癸卯大司農徐防為司空  
 是歲初復郡國上計補郎官

上計今計吏也前書音義曰舊制使郡丞奉歲計武帝元朔中令郡國舉孝廉各一人與計偕拜為郎中中廢今復之

十五年春閏月乙未詔流民欲還歸本而無糧食者過  
 所實稟之疾病加致醫藥其不欲還歸者勿強二月詔

稟貸潁川汝南陳留江夏梁國敦煌貧民

前書音義曰陳留本鄭邑

後為陳所并故曰陳留今汴州縣也江夏郡高帝置沔水自江別至南郡華容為夏水過郡入江故曰江夏

夏四月甲子晦日有食之五月戊寅南陽大風六月詔  
 令百姓鰥寡漁采陂池勿收假稅二歲秋七月丙寅濟

南王錯薨

錯音七故反復置涿郡故鹽鐵官

續漢書曰其郡縣有鹽官鐵官

者隨事廣狹置令長及丞秩次皆如縣也九月壬午南巡狩清河王慶濟北

王壽河間王開並從賜所過二千石長吏以下三老官

屬及民百年者錢帛各有差是秋四州雨水冬十月戊  
 申幸章陵祠舊宅癸丑祠園廟會宗室於舊廬勞賜作

樂戊午進幸雲夢臨漢水而還

雲夢今安州縣也即在雲夢澤中

十一

月甲申車駕還宮賜從臣及留者公卿以下錢帛各有

差十二月庚子琅邪王宇薨有司奏以為夏至則微陰

起靡草死可以決小事禮記月令曰孟夏之月靡草死

云靡草薺亭歷之屬臣賢案五月一陰爻生可以言微陰今月令云孟夏乃是純陽之月此言夏至者與月令

同是歲初令郡國以日北至案薄刑

十六年春正月己卯詔貧民有田業而以匱乏不能自

農者貸種糧二月己未詔兗豫徐冀四州比年雨多傷

稼禁沽酒夏四月遣三府掾分行四州貧民無以耕者

為顧黎牛直五月壬午趙王商薨秋七月早詔曰今秋

稼方穗而旱雲雨不霑疑吏行慘刻不宣恩澤妄拘無

罪幽閉良善所致其一切囚徒於法疑者勿決以奉秋

令禮記月令曰孟秋之月命有司脩法制繕囹圄具桎梏斷薄刑決小罪方察煩苛之吏

顯明其罰辛酉司徒魯恭免庚午光祿勳張酺為司徒

辛巳詔令天下皆半入今年田租芻橐其被災害者以

實除之貧民受貸種糧及田租芻橐皆勿收責八月己

酉司徒張酺薨十月辛卯司空徐防為司徒大鴻臚陳

寵為司空十一月己丑行幸緱氏登百岨山即柏岨山也在洛州

緱氏縣南爾雅云山一成曰岨東觀記作岨並音平眉反流俗本或作杯者誤也賜百官從臣

布各有差北匈奴遣使稱臣貢獻十二月復置遼東西

部都尉官西部都尉安帝時以為屬國都尉在遼東郡昌黎城也

元興元年春正月戊午引三署郎召見禁中漢官儀三署謂五官

順治十七年刊 後漢帝紀四 十七

署也左右署也各置中郎將以司之郡國舉孝廉以補  
二署即年五十以上屬五官其次分在左右署凡有中  
郎議郎侍郎郎中四等無員禁中者門  
戶有禁非侍御者不得入故謂禁中  
選除七十五人

補謁者長相高句驪寇郡界夏四月庚午大赦天下改

元元興宗室以罪絕者悉復屬籍五月癸酉雍地裂東觀

記曰右扶風雍地裂流俗本雍下有州者誤也秋九月遼東太守耿夔擊貊人

破之冬十二月辛未帝崩于章德前殿年二十七立皇

子隆為皇太子賜天下男子爵人二級三老孝悌力田

人三級民無名數及流民欲占者人一級鰥寡孤獨篤

癯貧不能自存者粟人三斛自竇憲誅後帝躬親萬機

每有災異輒延問公卿極言得失前後符瑞八十一所

自稱德薄皆抑而不宣舊南海獻龍眼荔支十里一置

五里一候南海郡秦置今廣州縣也廣雅曰益智龍眼

廣州記曰子似荔支而食七月熟荔支樹高五六丈大

如桂樹實如雞子甘而多汁似安石榴有甜醋者至日

禺中翕然俱赤即奔騰阻險死者繼路時臨武長汝南

唐羗縣接南海臨武縣屬桂陽郡今郴州縣也乃上書陳狀帝下詔曰

遠國珍羞本以薦奉宗廟苟有傷害豈愛民之本其勅

太官勿復受獻由是遂省焉謝承書曰唐羗字伯游辟

公府補臨武長縣接交州舊獻龍眼荔支及生鮮獻之驛馬晝夜傳送之至有遭

虎狼毒害頓仆死亡不絕道經臨武羗乃上書諫曰臣  
聞上不以滋味為德下不以貢膳為功故天子食太牢  
為尊不以果實為珍伏見交趾七郡獻生龍眼等鳥驚  
風發南州土地惡蟲猛獸不絕於路至於觸犯死亡之  
害死者不可復生來者猶可救也此二物升殿未必延



年益壽帝從之章報羌即葬官還家不應徵召著唐子三十餘篇

論曰自中興以後逮於永元雖頗有弛張而俱存不擾

是以齊民歲增闢土世廣偏師出塞則漠北地空都護

西指則通譯四萬西域傳曰班超定西域五十餘國皆降服西至海瀕四萬里皆重譯貢獻

豈其道遠三代術長前世將服叛去來自有數也

孝殤皇帝諱隆謚法曰短折不成曰殤古今注曰隆之字曰盛和帝少子也元

興元年十二月辛未夜即皇帝位時誕育百餘日誕大也詩

大雅誕彌厥月先生如達鄭玄注云大矣后稷之在其母懷也終人道十月而生詩又云載生載育育長也達

音宅尊皇后曰皇太后太后臨朝儀見皇后紀北匈奴遣使

稱臣詣敦煌奉獻

延平元年春正月辛卯太尉張禹為太傅司徒徐防為

太尉參錄尚書事百官總已聽封皇兄勝為平原王

癸卯光祿勳梁鮪為司徒漢官儀曰鮪字伯元河東平陽人也三月甲申

葬孝和皇帝于慎陵在洛陽東南三十里俗本作順者誤尊廟曰穆宗丙

戌清河王慶濟北王壽河間王開常山王章始就國夏

四月庚申詔罷祀官不在祀典者東觀記曰鄧太后雅性不好淫祀鮮

卑寇漁陽漁陽太守張顯追擊戰沒丙寅以虎賁中郎

將鄧騭為車騎將軍司空陳寵薨五月辛卯皇太后詔

曰皇帝幼冲承統鴻業朕且權佐助聽政兢兢寅畏不

知所濟深惟至治之本道化在前刑罰在後將稽中和

廣施慶惠與吏民更始其大赦天下自建武以來諸犯禁錮詔書雖解有司持重多不奉行其皆復為平民士

辰河東垣山崩

垣縣今絳州縣也古今注曰山崩長七丈廣四丈

六月丁未太

常尹勤為司空郡國三十七雨水已未詔曰自夏以來

陰雨過節燠氣不効將有厥咎寤寐憂惶未知所由昔

夏后惡衣服菲飲食孔子曰吾無間然今新遭大憂且

歲節未和徹膳損服庶有補焉其減太官導官尚方內

署諸服御珍膳靡麗難成之物

太官今周官也秩千石典天子厨膳導官掌擇

御采導擇也尚方掌作御刀劍諸器物內署掌內府衣物秩皆六百石並見續漢書

丁卯詔司徒

大司農長樂少府曰朕以無德佐助統政夙夜經營懼

失厥衷思惟治道由近及遠先內後外自建武之初以

至於今八十餘年宮人歲增房御彌廣又宗室坐事沒

入者猶託名公族甚可愍焉今悉免遣及掖庭宮人皆

為庶民以抒幽隔鬱滯之情

抒舒也食汝反

諸官府郡國王侯

家奴婢姓劉及疲瘡羸老皆上其名務令實悉秋七月

庚寅勅司隸校尉部刺史

秦有監御史監諸郡漢興省之但遣丞相史分刺諸州無

有常官孝武帝初置刺史十三人秩六百石成帝更為牧秩二千石建武十八年復為刺史十二人各主一州

其一州屬司隸校尉諸州常以八月巡行所部郡國錄囚徒考殿最初歲盡詣京都奏事中興但因計吏見續

漢書曰夫天降災戾應政而至間者郡國或有水災妨害

秋稼朝廷惟咎憂惶悼懼而郡國欲獲豐穰虛飾之譽

遂覆蔽灾害多張墾田不揣流亡揣音初委反競增戶口掩

匿盜賊令姦惡無懲署用非次選舉乖宜貪苛慘毒延

及平民刺史垂頭塞耳阿私下比不畏于天不愧于人

假貸之恩不可數恃自今以後將糾其罰二千石長吏

其各實覈所傷害為除田租芻橐八月辛亥帝崩癸丑

殯于崇德前殿年二歲

贊曰孝和沈烈率由前則王赫自中賜命彊慝慝惡也謂誅實

憲抑沒祥符登顯時德謂用鄧彪等委政也殤世何早平原弗克

平原王勝以固疾不得立也左傳曰弗克負荷○劉敞

曰紀書孝和葬慎陵章懷注云俗本作順陵者誤臣放

案皇后紀和熹皇后合葬順陵以為皇后紀誤而靈帝

父孝仁皇稱慎陵世數不遠陵名必不相襲參校前後

孝和實葬順陵言慎乃更為誤耳疑此亦非章

懷之失蓋傳寫誤以順為真亦因以慎為順耳

和殤帝紀第四

後漢書四

崇禎三年刊

後漢書四

三

安帝紀第五

恭宗孝安皇帝諱祐

諡法曰寬容和平日安伏疾古

今注曰祐之字曰福肅宗孫

也父清河孝王慶母左姬帝自在邸第數有神光照室

又有赤蛇盤於牀第之間

第牀簣也

年十歲好學史書

史書者周

宣王太史籀所作之書也凡五十五篇可以教童幼

和帝稱之數見禁中延平元

年慶始就國鄧太后特詔留帝清河邸八月殤帝崩太

后與兄車騎將軍鄧騭定策禁中其夜使騭持節以王

青蓋車迎帝齋于殿中

續漢志曰皇太子皇子皆安車朱班輪青蓋金華蚤皇子為王

錫以乘之故曰王青蓋車皇孫則綠車

皇太后御崇德殿百官皆吉服

雒陽

南宮有崇德殿不可以凶事臨朝故吉服也

羣臣陪位引拜帝為長安侯

不即

天啓二年刊

後漢帝紀五

立為天子而封侯者不欲從微即登皇位皇太后詔曰先帝聖德淑茂早棄

天下朕奉皇帝夙夜瞻仰日月冀望成就豈意卒然顛

沛天年不遂悲痛斷心朕惟平原王素被痼疾念宗廟

之重思繼嗣之統唯長安侯祐質性忠孝小心翼翼能

通詩論篤學樂古仁惠愛下年已十三有成人之志親

德係後莫宜於祐係即繼也禮昆弟之子猶已子春秋之義

為人後者為之子不以父命辭王父命為人後者謂出繼於人也王父

謂祖也穀梁傳曰衛靈公廢太子蒯其以祐為孝和皇

帝嗣奉承祖宗案禮儀奏又作策命曰惟延平元年秋

八月癸丑皇太后曰咨長安侯祐孝和皇帝懿德

光于四海大行皇帝不永天年前書音義曰禮有大行人有小人王謚號官

也韋昭云大行者不反之辭也天子崩未有謚故稱大

行也穀梁傳曰大行受大名風俗通曰天子新崩未有謚故且稱大行朕惟侯孝章帝世嫡皇孫謙恭慈順在

孺而勤宜奉郊廟承統大業今以侯嗣孝和皇帝後其

審君漢國允執其中一人有慶萬民賴之皇帝其勉之

哉讀策畢太尉奉上璽綬即皇帝位年十三太后猶臨

朝九月庚子謁高廟辛丑謁光武廟六州大水已未遣

謁者分行虛實舉灾害賑乏絕丙寅葬孝殤皇帝于康

陵墳在慎陵塋中庚地高三丈五尺周二百八步乙亥隕石于陳留西域諸國

叛攻都護任尚遣副校尉梁懂救尚擊破之謹音冬十

順治十七年刊 後漢書紀五 二

月四州大水雨雹詔以宿麥不下

宿舊也麥必經年而熟故稱宿

賑賜

貧人十二月甲子清河王薨使司空持節弔祭車騎將

軍鄧騭護喪事乙酉罷魚龍曼延百戲

漢官典職曰作九賓樂舍利之

獸從西方來戲於庭入前殿激水化成比目魚嗽水作霧化成黃龍長八丈出水遨戲於庭炫耀日光曼延者獸名也張衡西京賦所云巨獸百等是為曼延音以戰反

永初元年春正月癸酉朔大赦天下蜀郡徼外羗內屬

東觀記曰徼外羗龍橋等六種慕義降附

戊寅分犍為南郡為屬國都尉稟

司隸兗豫徐冀并州貧民

司隸領河南河內河東弘農都於洛陽魏末因為司州

三月丙午以廣成游獵地

廣成苑名在汝州西

及被災郡國公田

假與貧民丁卯分清河國封帝弟常保為廣川王

廣川縣屬

信都國故城在今冀州棗彊縣東北

庚午司徒梁鮪薨二月癸酉日有食

之詔公卿內外眾官郡國守相舉賢良方正有道術之

士明政術達古今能直言極諫者各一人巳卯永昌徼

外僬僥種夷貢獻內屬甲申葬清河孝王贈龍旗虎賁

夏五月甲戌長樂衛尉魯恭為司徒

前書曰衛尉秦官掌宮門衛屯兵也

長樂建章甘泉宮皆隨所掌以為官名秩中二千石也

丁丑詔封北海王睦孫壽

光侯普為北海王九真徼外夜郎蠻夷舉土內屬

九真郡名

今愛州縣

六月戊申爵皇太后母陰氏為新野君丁巳河東

地陷壬戌罷西域都護先零種羗叛斷隴道大為寇掠

遣車騎將軍鄧騭征西校尉任尚討之丁卯赦除諸羗

相連結謀叛逆者罪秋九月庚午詔三公明申舊令禁奢侈無作浮巧之物殫財厚葬是日太尉徐防免以災異屢

見也辛未司空尹勤免以水雨漂流也癸酉調揚州五郡租米五郡

謂九江丹陽廬江吳郡豫章也揚州領六郡會稽最遠蓋不調也贍給東郡濟陰陳留

梁國下邳山陽丁丑詔曰目今長吏被考竟未報考謂其狀也報謂斷決也自非父母喪無故輒去職者劇縣十歲平縣

五歲以上乃得次用壬午詔太僕少府減黃門鼓吹以

補羽林士漢官儀曰黃門鼓吹百四十五人羽林左監王羽林八百人右監王九百人廄馬

非乘輿常所御者皆減半食乘輿天子所乘車輿也不敢斥言尊者故稱乘輿見

蔡邕獨斷諸所造作非供宗廟園林之用皆且止丙戌詔死

罪以下及亡命贖各有差庚寅太傅張禹為太尉太常

周章為司空漢官儀曰周章字次叔荆州隨縣人也冬十月倭國遣使奉獻

倭國去樂浪萬二千里男子黥而文身以其文大小左右別尊卑之差見本傳辛酉新城山泉

水大出東觀記曰突壞人田水深三丈十一月丁亥司空周章密謀廢

立策免自殺戊子勅司隸校尉冀并二州刺史民訛言

相驚弃捐舊居老弱相攜窮困道路其各勅所部長吏

躬親曉諭若欲歸本郡在所為封長檄不欲勿強封謂印封

之也長檄猶今長牒也欲歸者皆給以長牒為驗強音其兩反十二月乙卯潁川太守

張敏為司空是歲郡國十八地震四十一雨水或山水

暴至二十八日大風雨雹

天啓二年刊

後漢帝紀五

二年春正月稟河南下邳東萊河內貧民

古今注曰時州郡大饑米

石二千人相食老弱相弃道路

車騎大將軍鄧騭為種羌所敗於冀西

續漢書曰種羌九千餘戶在隴西臨洮谷冀縣屬天水郡也○劉攽曰正文案官無車騎大將軍者明大字衍

騭後乃為大將軍耳

二月乙丑遣光祿大夫樊準呂倉分行冀兗

二州稟貸流民夏四月甲寅漢陽城申火燒殺三千五

百七十人五月旱丙寅皇太后幸雒陽寺及若盧獄錄

囚徒賜河南尹廷尉卿及官屬以下各有差即日降雨

六月京師及郡國四十大水大風雨雹

東觀記曰雹大如芋魁雞子風

振樹發屋

秋七月戊辰詔曰昔在帝王承天理民莫不據璇

璣玉衡以齊七政

孔安國尚書注曰璇美玉也以璇璣以玉為衡二者正天文之器也

政日月五星各異其政制即今之渾儀

朕以不德遵奉大業而陰陽差越

變異並見萬民饑流羗貊叛矣夙夜克已憂心京京

詩小

雅曰憂心京京爾雅曰京京憂也

間令公卿郡國舉賢良方正遠求博

選開不諱之路冀得至謀以鑒不逮而所對皆循尚浮

言無卓爾異聞其百僚及郡國吏人

○劉攽曰案此不成文理當有一令

有道術明習災異陰陽之度璇璣之數者各使指變

以聞二千石長吏明以詔書博衍幽隱

衍猶引也

朕將親覽

待以不次冀獲嘉謀以承天誠閏月辛丑廣川王常保

薨無子國除癸未蜀郡徼外羌舉土內屬

東觀記曰徼外羌薄申等

八種舉衆降

九月庚子詔王主官屬墨綬下至郎謁者

續漢書曰



王國有中大夫秩比六百石謁者比四百石郎中二百石○劉放曰正文案二漢諸侯王未嘗有主稱蓋是國字前書多言王國此注中亦有王國文主字作國無疑也或謂主指公主案公主但有家令無郎謁者又此詔文但言國相移名其非公主明矣或其經明任博士居者傳寫見後有王主之文遂誤於此

鄉里有廉清孝順之稱才任理人者國相歲移名與計

借上尚書公府通調令得外補移書也冬十月庚寅稟

濟陰山陽玄菟貧民征西校尉任尚與先零羌戰于平

襄尚軍敗績平襄縣屬天水郡故襄戎邑也十一月辛酉拜鄧騭為大

將軍徵還京師留任尚屯隴右先零羌滇零稱天子於

北地滇零羌名音丁田反遂寇三輔東犯趙魏南入益州殺漢中

太守董炳十二月辛卯稟東郡鉅鹿廣陽安定定襄沛

國貧民廣漢塞外參狼羌降分廣漢北部為屬國都尉

是歲郡國十二地震

三年春正月庚子皇帝加元服元服謂加冠也士冠禮曰令月吉辰加爾元服

鄭玄云元首也大赦天下賜王主貴人公卿以下金帛各有差

男子為父後及三老孝悌力田爵人二級流民欲占者

人一級遣騎都尉任仁討先零羌不利羌遂破沒臨洮

縣名屬隴西郡高句驪遣使貢獻三月京師大饑民相食壬辰

公卿詣闕謝詔曰朕以幼冲奉承鴻業不能宣流風化

而感逆陰陽至令百姓饑荒更相噉食永懷悼歎若墜

淵水咎在朕躬非羣司之責而過自貶引重朝廷之不

順治十七年刊 後漢書卷五 六

德也重音直用反其務思變復以助不逮癸巳詔以

鴻池假與貧民續漢書曰鴻池在洛陽東二十里假借也令得漁采其中壬寅司徒

魯恭免夏四月丙寅大鴻臚九江夏勤為司徒勤字伯宗壽春

也三公以國用不足奏令吏人入錢穀得為關內侯虎

賁羽林郎五大夫官府吏緹騎營士各有差續漢志曰執金吾緹

騎二百人緹赤黃色營士謂五校營士也漢官儀曰屯

騎越騎步兵射聲各領士七百人長水領士千三百六

十七也巳巳詔上林廣城苑可墾闢者賦與貧民甲申清

河王虎威薨五月丙申封樂安王寵子延平為清河王

丁酉沛王正薨癸丑京師大風六月烏桓寇代郡上谷

涿郡秋七月海賊張伯路等寇略緣海九郡遣侍御史

龐雄督州郡兵討破之庚子詔長吏案行在所皆令種

宿麥蔬食務盡地力其貧者給種餉九月鴈門烏桓及

鮮卑叛敗五原郡兵於高渠谷東觀記曰戰九原高渠谷渠梁相類必有誤也

冬十月南單于叛圍中郎將耿种於美稷十一月遣行

車騎將軍何熙討之劉劭曰案文少一事字十二月辛酉郡國九

地震乙亥有星孛于天苑天苑星名是歲京師及郡國四十

一雨水雹續漢書曰雹大如鴈子并京二州大饑人相食

四年春正月元日會徹樂不陳充庭車每大朝會必陳乘輿法物車輦

於庭故曰充庭車辛卯詔以三輔比遭寇亂人庶流冗

除三年逋租過更口算芻橐前書音義曰天下人皆成邊三日不可人人自行行

順治十七年刊

後漢書卷五

七

者自成三日不可往復還因便在一歲諸不行者出錢三百入官官以給成者言過其本更之日故曰過更又曰人年十五至五十六出賦錢人百二十為一算也

稟上郡貧民各有差海賊張伯路復與勃海平原劇賊劉文河周文光等攻厭次殺

縣令遣御史中丞王宗督青州刺史法雄討破之度遼

將軍梁懂遼東太守耿夔討破南單于於屬國故城丙

午詔減百官及州郡縣奉各有差二月丁巳稟九江貧

民南匈奴寇常山乙丑初置長安雍二營都尉官漢官儀曰

京兆虎牙扶風都尉以涼州近羗數犯三輔將兵衛護

園陵扶風都尉居雍縣故俗人稱雍營焉西羗傳云虎

牙都尉居長安乙亥詔自建初以來諸祆言它過坐徙邊者各

歸本郡其沒入官為奴婢者免為庶人詔謁者劉珍及

五經博士校定東觀五經諸子傳記百家藝術整齊脫

誤是正文字洛陽宮殿名曰南宮有東觀前書曰凡三

月南單于降先零羌寇襄中縣名屬漢中郡今梁州褒城縣漢中太守

鄭勤戰歿徙金城郡都襄武襄武縣名屬隴西郡今渭州縣戊子杜陵

圍火癸巳郡國九地震夏四月六州蝗東觀記曰司隸

州丁丑大赦天下秋七月乙酉三郡大水已卯騎都尉

任仁下獄死九月甲申益州郡地震冬十月甲戌新野

君陰氏薨東觀記曰新野君薨贈以玄玉使司空持節

護喪事大將軍鄧騭罷赤紱賻錢二十萬布二萬匹

五年春正月庚辰朔日有食之丙戌郡國十地震已丑

天啓二年刊

後漢書卷五

太尉張禹免甲申光祿勳李脩為太尉漢官儀曰脩字伯游豫州襄城

也二月丁卯詔省減郡國貢獻太官口食先零羌寇河

東遂至河內三月詔隴西徙襄武安定徙美陽安定郡今涇州

也美陽縣故城在今武功縣北北地徙池陽北地郡今寧州也池陽縣故城在今涇陽縣北也

上郡徙衙上郡今綏州也衙縣故城在同州白水縣東北左傳曰秦晉戰于彭衙即此也夫餘

夷犯塞殺傷吏人閏月丁酉赦涼州河西四郡戊戌詔

曰朕以不德奉郊廟承大業不能興和降善為人祈福

災異蜂起寇賊縱橫夷狄猾夏戎事不息百姓匱乏疲

於徵發重以蝗蟲滋生害及成麥秋稼方收甚可悼也

朕以不明統理失中亦未獲忠良以毗闕政傳曰顛

不扶危而不持則將焉用彼相矣公卿大夫將何以匡

救濟斯艱危承天誠哉蓋為政之本莫若得人褒賢顯

善聖制所先濟濟多士文王以寧思得忠良正直之臣

以輔不逮其令三公特進侯中二千石二千石郡守諸

侯相舉賢良方正有道術達於政化能直言極諫之士

各一人及至孝行與眾卓異者并遣詣公車朕將親覽

焉六月甲辰樂成王巡薨秋七月己巳詔三公特進九

卿校尉九卿奉常光祿衛尉太僕鴻臚廷尉少府宗正司農校尉謂城門屯騎越騎步兵長水胡騎等

○劉放曰注胡騎字誤當作射聲上三年注中甚明說又在後舉列將子孫明曉戰陣

任將帥者九月漢陽人杜琦王信叛東觀記曰琦自稱安漢將軍與

先零諸種羗攻陷上邽城十二月漢陽太守趙博遣客  
刺殺杜琦東觀記曰漢陽故吏杜習手刺殺之是歲九州蝗郡國八雨水

六年春正月庚申詔越雋置長吏高望始昌三苑又令  
益州郡置萬歲苑犍為置漢平苑犍為郡名前書音義曰故夜郎國也故城

在今眉州隆山縣西北也三月十州蝗夏四月乙丑司空張敏罷已

卯太常劉凱為司空五月旱丙寅詔令中二千石下至

黃綬一切復秩還贖賜爵各有差戊辰皇太后幸雒陽

寺錄囚徒理寃獄六月壬辰豫章員谿原山崩員谿關也辛

巳大赦天下遣侍御史唐喜討漢陽賊王信破斬之續漢

書曰傳信首詣洛陽梟穀城門外也冬十一月辛丑護烏桓校尉吳祉下

獄死是歲先零羌滇零死子零昌復襲偽號

七年春正月庚戌皇太后率大臣命婦謁宗廟喪服傳曰命夫

者其男子之為大夫也命婦者其大夫之妻也臣賢案東觀續漢袁山松謝沈書古今注皆云六年正月甲寅謁宗廟此云七年

庚戌疑紀誤也二月丙午郡國十八地震夏四月乙

未平原王勝薨丙申晦日有食之五月庚子京師大雩

左傳曰龍見而雩杜預注云謂建巳之月龍星角亢見東方雩遠也遠為百穀求膏雨周禮司巫職曰若國大

旱則帥巫而舞雩鄭玄汪云雩吁也嗟而求雨秋護羌校尉侯霸騎都尉馬賢

破先零羌八月丙寅京師大風蝗蟲飛過洛陽詔賜民

爵郡國被蝗傷稼十五以上勿收今年田租不滿者以

實除之九月調零陵桂陽丹陽豫章會稽租米零陵郡名今永

州縣丹陽郡名今潤賑給南陽廣陵下邳彭城山陽廬

江九江饑民又調濱水縣穀輸敖倉詩曰薄狩于敖即此地秦於北築太

倉亦曰敖庾在今鄭州滎陽縣西北東觀記曰濱水縣彭城廣陽廬江九江穀九十萬斛送敖倉

元初元年春正月甲子改元元初賜民爵人二級孝悌

力田人三級爵過公乘得移與子若同產同產子民脫

無名數及流民欲占者人一級鰥寡孤獨篤癯貧不能

自存者穀人三斛貞婦帛人一匹二月巳卯日南地圻

東觀記曰圻長百八十二里廣五十六里三月癸卯日有食之夏四月丁酉

大赦天下京師及郡國五旱蝗詔三公特進列侯中二

千石二千石郡守舉敦厚實直者各一人五月先零羌

寇雍城六月丁巳河東地陷秋七月蜀郡夷寇蠶陵殺

縣令蠶陵縣屬蜀郡故城在今翼州翼水縣西有蠶陵山因以為名焉九月乙丑太尉

李脩罷先零羌寇武都漢中絕隴道辛未大司農山陽

司馬苞為太尉謝承書曰苞字仲成東緡人也冬十月戊子朔日有食

之先零羌敗涼州刺史皮陽於狄道乙卯詔除三輔三

歲田租更賦口算解見光武紀十一月是歲郡國十五地震

二年春正月詔稟三輔及并涼六郡流冗貧人蜀郡青

衣道夷奉獻內屬青衣道縣名在大江青衣二水之會今嘉州龍游縣也東觀記曰青衣蠻

夷唐律等歸義脩理西門豹所分漳水為支渠以溉民田史記曰西

門豹為鄴令發人鑿十二渠引水灌田所鑿之渠在今相州鄴縣西也

二月戊戌遣中謁

者收葬京師客死無家屬及棺槨朽敗者皆為設祭其  
 有家屬尤貧無以葬者賜錢人五千辛酉詔三輔河內  
 河東上黨趙國太原各修理舊渠通利水道以溉公私  
 田疇三月癸亥京師大風先零寇益州遣中郎將尹  
 就討之夏四月丙午立貴人閻氏為皇后五月京師旱  
 河南及郡國十九蝗甲戌詔曰朝廷不明庶事失中災  
 異不息憂心惶懼被蝗以來七年于茲而州郡隱匿裁  
 言頃畝裁與纒同今群飛蔽天為害廣遠所言所見寧相副  
 邪三司之職內外是監既不奏聞又無舉正天災至重  
 欺罔辜大今方盛夏且復假貸以觀厥後假貸猶寬容也其務

消救災皆安輯黎元六月丙戌大尉司馬苞薨謝承書曰苞為

太尉常食麤飯著布衣妻子不歷官舍會司徒楊震為樊豐等所譖連及苞苞乞骸骨未見聽以疾薨也

陽新城地裂秋七月辛巳太僕太山馬英為太尉英字文思

兖州蓋縣人也八月遼東鮮卑圍無慮縣屬遼東郡慮音問有醫無問山因以為名

九月又攻夫犁營殺縣令夫犁縣名屬遼東屬國壬午晦日有食

之冬十月遣中郎將任尚屯三輔詔郡國中都官繫囚

減死一等勿笞詣馮翊扶風屯妻子自隨占著所在女

子勿輸不輸作也亡命死辜以下贖各有差其吏人聚為盜

賊有悔過者除其罪乙未右扶風仲光安定太守杜恢

京兆虎牙都尉耿溥與先零羌戰於丁奚城東觀記曰至北地靈

州丁亥城也光等大敗並沒左馮翊司馬鈞下獄自殺東觀記曰

安定太守杜恢與鈞等并威擊羌恢乘勝深入為虜所害鈞擁兵不救收鈞下獄也十二月庚申

郡國十地震十二月武陵澧中蠻叛州郡擊破之東觀記曰

蠻田山高少等攻城殺長吏州郡募五里蠻夷六亭兵追擊山等皆降賜五里六亭渠率金帛各有差已

西司徒夏勤罷庚戌司空劉愷為司徒光祿勳袁敞為

司空又文三年春正月甲戌脩理太原舊溝渠溉灌官私田鄆元水經

曰昔智伯遏晉水以灌晉陽後人踵其遺跡蓄以為沼分為二瓜北瀆即智氏故渠也其瀆乘高東北注入晉

陽城以溉灌東南出城注於汾水今所脩溝渠即謂此東平陸上言木連理東平陸縣

名古厥國也屬東平國今兗州平陸縣也序例曰凡瑞應自

安帝以下王道衰神容或蒼梧鬱林合浦蠻夷反叛

郡今梧州縣也合浦郡今廉州縣也二月遣侍御史任連督州郡兵討之

連音丁郡國十地震三月辛亥日有食之丙辰赦蒼梧

鬱林合浦南海吏人為賊所迫者夏四月京師旱五月

武陵蠻復叛州郡討平之癸酉度遼將軍鄧遵率南匈

奴擊先零羌於靈州破之靈州縣名屬北地郡故城越

雋徼外夷舉種內屬六月中即將任尚遣兵擊破先零

羌於下塞城秋七月武陵蠻復叛州郡討平之緱氏地

并九月辛巳趙王宏薨冬十一月蒼梧鬱林合浦蠻夷

降丙戌初聽大臣二千石刺中行三年喪文帝遺詔以



大臣遂以為常此復遵古制也癸卯郡國九地震十二月丁巳任尚

遣兵擊破先零羌於北地

四年春二月乙巳朔日有食之乙卯大赦天下壬戌武

庫災夏四月戊申司空袁敞薨己巳鮮卑寇遼西遼西

郡兵與烏桓擊破之遼西郡故城在今平州東陽樂城是五月丁丑太常

李郃為司空六月戊辰三郡雨雹秋七月辛丑陳王鈞

薨京師及郡國十雨水詔曰今年秋稼茂好垂可收獲

而連雨未霽懼必淹傷夕惕惟憂思念厥咎夫霖雨者

人怨之所致左傳曰凡雨三日以上為霖京房別對災異曰人勞怨苦雨水絕道其武吏

以威暴下文吏妄行苛刻御史因公生姦為百姓所

苦者有司顯明其罰又月令仲秋養衰老授几杖行麋

粥鄭玄注云助老氣也行猶賜也方今案比之時東觀記曰方今八月

口次比郡縣多不奉行雖有糜粥糠粃相半長吏怠事

莫有躬親甚違詔書養老之意其務崇仁恕賑護寡獨

稱朕意焉九月護羌校尉任尚使客刺殺叛羌零昌冬

十一月己卯彭城王恭薨十二月越雋夷寇遂久殺縣

令遂義縣屬越雋郡甲子任尚及騎都尉馬賢與先零羌戰于

富平上河大破之富平縣屬北地郡故城在今靈州曰樂縣西南鄯元水經注曰河水於此

之名也震人羌率眾降震人羌號也東觀記曰震人種

隴右平是歲郡國十三地震

五年春正月越雋夷叛二月壬戌中山王憲薨三月京

師及郡國五旱詔稟道平貧人夏六月高句驪與穢貊

寇玄菟郡名在遼東秋七月越雋蠻夷及旄牛豪叛殺長吏

旄牛縣屬蜀郡華陽丙子詔曰舊令制度各有科品

志曰在邛崃山表也漢令欲令百姓務崇節約約遭承初之際人離荒厄朝廷

躬自菲薄去絕奢飾良不兼味衣無二綵比年雖獲豐

穰尚乏儲積而小人無慮不圖久長嫁娶送終紛華靡

麗至有走卒奴婢被綺縠著珠璣綺文縠縠紗也京師珠璣不圓者也

尚若斯何以示四遠設張法禁懇惻分明而有司惰任

訖不奉行秋節既立鷩鳥將用鷩鳥鷩鷩之類也廣也鷩鳥將用鷩鳥鷩鷩之類也廣也鷩鳥將用鷩鳥鷩鷩之類也廣也鷩鳥將用鷩鳥鷩鷩之類也廣也

衆鳥月令孟秋鷹乃祭鳥如用行戮言有司忌情下且

復重申以觀後敗八月丙申朔日有食之鮮卑寇代郡

殺長吏冬十月鮮卑寇上合十二月丁巳中即將任尚

有辜奔市是歲郡國十四地震

六年春二月乙巳京師及郡國四十二地震或圻裂水

泉涌出壬子詔三府選擇靈高第能惠利牧養者各五

人光祿勳與中郎將選孝廉即寬博有謀清白行高者

五十人出補令長承尉乙卯詔曰夫政先京師後諸夏

月令仲春養幼小存諸孤季春賜貧窮賑乏絕省婦使

表貞女所以順陽氣崇生長也鄭玄云婦使其賜人尤謂組紉之事

貧困孤弱單獨穀入三斛貞婦有節義十斛甄表門閭

旌顯厥行三月庚辰始立六宗祀於洛城西北續漢志曰元初

六年以尚書歐陽家說謂六宗者在天地四方之中為

上下四方之宗以元始中故事謂六宗易六子之氣日

月雷公風伯山澤者非也乃更六夏四月會稽大疫遣

宗祠於戊亥之地禮比大社也

光祿大夫將太醫循行疾病賜棺木漢官儀大醫令除

田租口賦沛國勃海大風雨雹五月京師旱六月丁丑

樂成王賓薨丙戌平原王得薨秋七月鮮卑寇馬城神

記曰昔秦人築城於武周塞以備胡將成而崩者數矣

有馬馳走周旋反覆父老異之因依以築城城乃不崩

遂以名焉其故度遼將軍鄧遵率南單于擊破之九月

癸巳陳王竦薨十二月戊午朔日有食之既郡國八地

震是歲永昌益州蜀郡夷叛與越嶲夷殺長吏燔城邑

益州刺史張喬討破降之

永寧元年春正月甲辰任城王安薨三月丁酉濟北王

壽薨車師後王叛殺部司馬沈氏羗寇張掖沈氏羗號

日羗在上郡西河者號沈氏也夏四月丙寅立皇子保為皇太子改元

永寧大赦天下賜王主三公列侯下至郎吏從官金帛

又賜民爵及布粟各有差已巳詔封陳王羨子崇為陳

王濟北王子萇為樂成王河間王子翼為平原王壬午

琅邪王壽薨六月沈氏種羗叛寇張掖護羗校尉馬賢

討沈氏羗破之秋七月乙酉朔日有食之冬十月已巳

順治十七年刊

司空李郃免癸酉衛尉廬江陳襄為司空襄字伯仁自舒縣人也

三月至是月京師及郡國三十三大風雨水十二月永

昌徼外揮國遣使貢獻揮音擅戊辰司徒劉凱罷遼西鮮

卑降癸酉太常楊震為司徒是歲郡國二十三地震夫

餘王遣子詣闕貢獻燒當羌叛

建光元年春正月幽州刺史馮煥率二郡太守討高句

驪穢貊不尅二月癸亥大赦天下賜諸園貴人謂宮人無子守

園陵者也王主公卿以下錢布各有差以公卿校尉尚書子

弟一人為郎舍人三月癸巳皇太后鄧氏崩丙午葬和

熹皇后丁未樂安王寵薨戊申追尊皇考清河孝王曰

孝德皇皇妣左氏曰孝德皇后祖妣宋貴人曰敬隱皇

后夏四月穢貊復與鮮卑寇遼東太守蔡諷追擊

戰歿丙辰以廣川并清河國丁巳尊孝德皇元妃耿氏

為甘陵大貴人甘陵孝德皇后之陵因以為縣今貝州清河縣東也甲子樂成王

萇有罪廢為臨湖侯續漢書曰坐輕慢不孝故已巳令

公卿特進侯中二千石二千石郡國守相舉有道之士

各一人賜鰥寡孤獨貧不能自存者穀人三斛甲戌遼

東屬國都尉龐奮承偽璽書殺玄菟太守姚光五月庚

申特進鄧騭及度遼將軍鄧遵並以譖自殺乳母王聖與中黃門

李閏等誣告尚書鄧訪等謀廢立宗族皆免官騭與遵皆自殺丙申貶平原王翼為都

順治十七年刊

後漢書卷五

十一

鄉侯秋七月己卯改元建光大赦天下壬寅太尉馬英薨八月護羌校尉馬賢討燒當羌於金城不利甲子前司徒劉愷為太尉鮮卑寇居庸關九月雲中太守成嚴擊之戰歿鮮卑圍烏桓校尉於馬城度遼將軍耿夔救之戊子幸衛尉馮石府續漢書曰賜賞寶劍玉玦雜繒布等是秋京師及郡國二十九雨水冬十一月己丑郡國三十五地震或坼裂詔三公以下各上封事陳得失遣光祿大夫案行賜死者錢人二千除今年田租其被災甚者勿收口賦鮮卑寇玄菟庚子復斷大臣二千石以上服三年喪癸卯詔三公特進侯卿校尉舉武猛堪將帥者各五人丙

午詔京師及郡國被水雨傷稼者隨頃畝減田租甲子

初置漁陽營兵伏侯古今注曰置營兵千人也冬十二月高句驪馬韓

穢貊圍玄菟城夫餘王遣子與州郡并力討破之

延光元年春二月夫餘王遣子將兵救玄菟夫餘王子尉仇治也

擊高句驪馬韓穢貊破之遂遣使貢獻三月丙午改元

延光大赦天下還徙者復戶邑屬籍賜民爵及三老孝

悌力田人二級加賜鰥寡孤獨篤癯貧不能自存者粟

人三斛貞婦帛人二匹夏四月癸未京師郡國二十一

雨雹癸巳司空陳襄免五月庚戌宗正彭城劉授為司

空漢官儀曰宗正卿秩中二千石授字孟春徐州武原人己巳改樂成國為安平

封河間王開子得為安平王六月郡國蝗秋七月癸卯

京師及郡國十三地震高句驪降虜人羌叛攻穀羅城

穀羅屬西河郡度遼將軍耿夔討破之八月戊子陽陵園寢火

景帝陵也辛卯九真言黃龍見無功無功縣屬九真郡己亥詔三公

中二千石舉刺史二千石令長相視事一歲已上至十

歲清白愛利能勅身率下防姦理煩有益於人者無拘

官薄清白謂貞正也愛利謂愛人而利之也無拘官薄謂受超遷之不拘常牒也○劉敞曰注按文受當

將刺史舉所部郡國太守相舉墨綬隱親悉心勿取浮

華墨綬謂令長之屬也隱親猶親自隱也悉盡也言令三公以下各舉所知皆隱審盡心勿取浮華不實者

九月甲戌郡國二十七地震冬十月鮮卑寇鴈門定襄

十一月鮮卑寇太原燒當羌蒙降十二月九真徼外蠻

夷貢獻內屬夏歲京師及郡國二十七雨水大風殺人

詔賜壓溺死者年七歲以上錢人二千其壞敗廬舍矣

亡穀食粟人三斛又田被淹蕩者一切勿收田租若一

家皆被災害而弱小存者郡縣為收斂之虜人羌反攻

穀羅城度遼將軍耿夔討破之

二年春正月苑牛夷叛寇靈關殺靈關道屬益州越雋郡令

刺史蜀郡西部都尉討之詔選即三署解見及吏和帝紀二人能通古文尚書毛詩穀梁春秋各一人丙辰河東潁

川大風夏六月壬午郡國十一大風九真言嘉禾生東觀

記曰禾百五十六穗丙申北海王普薨秋七月丹陽山崩

八月庚午初令三署郎通達經術任民牧者視事三歲

以上皆得察舉九月郡國五雨水冬十月辛未太尉劉

愷罷甲戌司徒楊震為太尉光祿勳東萊劉熹為司徒

熹字季明青州長廣人也十一月甲辰校獵上林苑鮮卑敗南匈奴

於曼栢是歲分蜀郡西部為屬國都尉京師及郡國三

### 地震

三年春二月丙子京不巡狩丁丑告陳留太守祠南頓君

光武皇帝于濟陽古成陽也故城在今濮州雷澤戊子

祠唐堯於成陽古成陽也故城在今濮州雷澤戊子

濟南上言鳳皇集臺縣丞霍收舍樹上臺縣屬濟南郡故城在今齊州

平陵縣北賜臺長帛五十匹丞二十四匹尉半之吏卒人三匹

鳳皇所過亭郡無出今年田租賜男子爵人二級辛卯

幸太山柴告岱宗太山王者告岱之處為五岳之宗故曰岱宗燔柴以告天齊王無

忌北海王普樂安王延來朝壬辰宗祀五帝于汶上明

堂癸巳告祀二祖六宗二祖高祖光武也六宗謂孝文

宗孝元曰高宗孝明勞賜郡縣作樂三月甲午陳王崇

薨戊戌祀孔子及七十二弟子於闕里自魯相令丞尉

及孔氏親屬婦女諸生悉會賜襃成侯以下帛各有差

還幸東平至東郡歷魏郡河內壬戌車駕還京師幸太

學是日太尉楊震免夏四月乙丑車駕入宮假于祖禰假音格至也壬戌沛國言甘露降豐縣戊辰光祿勳馮石為

太尉五月南匈奴左日逐王叛使匈奴中郎將馬翼討破之日南徼外蠻夷內屬六月鮮卑寇玄菟庚午閩中

山崩閩中縣屬巴郡臨閩中水因以為名今隆州縣也辛未扶風言白鹿見雍

辛巳遣侍御史分行青冀二州災害督錄盜賊秋七月

丁酉初復右校令左校丞官續漢志曰將作大匠屬官有左右校皆有令丞中興

未置今始復日南徼外蠻豪帥詣闕貢獻馮翊言甘露降頻

陽衙頻陽縣故城在今雍州美原縣西南衙見上潁川上言木連理白鹿麒麟

見陽翟鮮卑寇高柳梁王堅薨明帝孫節王暢之子也八月辛

巳大鴻臚耿寶為大將軍戊子潁川上言麒麟一白虎

二見陽翟九月丁酉廢皇太子保為濟陰王常侍江京等諧之也

乙巳詔郡國中都官死臯繫囚減罪一等詔敦煌隴西

及度遼營漢官儀曰度遼將軍屯五原曼柏縣也其右

趾以下及亡命者贖各有差辛亥濟南上言黃龍見歷

城歷城縣屬濟南國今齊州縣也庚申晦日有食之冬十月行幸長安

壬午新豐上言鳳皇集西界亭今新豐縣西南有鳳皇原俗傳云即此時鳳皇

所集之處也丁亥會三輔守令掾史於長安作樂閏月乙未

祠高廟遂有事十一陵歷觀上林昆明池遣使者祠太

上皇于萬年以中牢祠蕭何曹參霍光十一月乙丑至



自長安十二月乙未琅邪言黃龍見諸縣諸縣名故城在今密州諸城縣西南是歲京師及諸郡國二十三地震三十六雨水疾

風雨雹

四年春正月壬午東郡言黃龍二麒麟一見濮陽縣名屬東

郡即古昆吾國帝顓頊之墟今濮州縣二月乙亥下邳王衍薨甲辰南巡

狩三月戊午朔日有食之庚申幸宛帝不豫辛酉令大

將軍耿寶行太尉事祠章陵園廟告長沙零陵太守祠

定王節侯鬱林府君乙丑自宛還丁卯幸葉帝崩于乘

輿年三十二秘不敢宣所在上食問起居如故庚午還

官辛未夕乃發喪尊皇后為皇太后太后臨朝以后兄

大鴻臚閻顯為車騎將軍定策禁中立章帝孫濟北惠

王壽子北鄉侯懿觀記及續漢書並曰北鄉侯續今作懿蓋二名甲戌濟南

王香薨光武曾孫簡王錯之子也乙酉北鄉侯即皇帝位夏四月丁

酉太尉馮石為太傅石字次初荊州湖陽人鮪之孫司徒劉熹為太尉

參錄尚書事前司空李郃為司徒辛卯大將軍耿寶中

常侍樊豐侍中劉憚周廣乳母野王君王聖坐相阿黨

豐憚廣下獄死皆自殺聖徙鴈門己酉葬孝安皇帝于

恭陵在今各陽東北二十七里伏侯古今廟曰恭宗六

月乙巳大赦天下詔先帝巡狩所幸皆半入今年田租

秋七月西域長史班勇西域都護之長史也擊車師後王斬之丙

平東海王肅薨冬十月丙午越雋山崩辛亥少帝薨是冬京師大疫

論曰孝安雖稱尊享御而權歸鄧氏至乃損徹膳服克念政道然令自房帷威不逮遠始失根統歸成陵敝遂

復計金授官未初元年令吏人入移民逃寇羌既轉盛

襄武安定徙美陽推外台衡以答天眷台謂三台三公象

所取平伊尹為既云哲婦亦惟家之索矣也衡平也言天下

贊曰安德不升稅我王度稅穀不成也論政教之穢左

降奪儲嫡開萌邪靈謂太子也邪馮石承歡揚公

逢怒日承歡也馮公揚震逢怒謂豐等諸震云有

恨心帝免之○劉放日注續漢志案前又彼日而微遂

作漢書今此作志志不記如此事作書是

稜天路日君道也微不明也稜陰陽相侵之氣也詩曰

祚衰微自此而始故言遂稜天路也

紀書殤帝葬康陵臣放案前書平帝已名康陵不當

重復章懷注云在慎陵塋中庚地庚與康相似但少

許不同然檢續漢志亦作康陵又質帝年叙康陵在

恭陵上都是康字不知此字自章懷已前誤之耶或

者後人傳寫一處誤之遂却改令

同也然章懷注語則似作庚無疑

安帝紀第五終

後漢書五

順治十七年刊

後漢書紀五

三三

漢帝紀正統

劉勳書五

順治庚子年六月二十日

江寧府學教授朱謨較閱

順冲質帝紀第六

後漢書六

孝順皇帝諱保

謚法曰慈和編服曰順伏

安帝之子也

母李氏為閻皇后所害永寧元年立為皇太子延光三

年安帝乳母王聖大長秋江京

前書曰長秋皇后官本

大長秋或用中人或用上

中常侍樊豐譖太子乳母

逐與豐京共構陷太子太子坐廢為濟陰王明年三月

安帝崩北鄉侯立濟陰王以廢黜不得上殿親臨梓宮

悲號不食內外羣僚莫不哀之及北鄉侯薨車騎將軍

閻顯及江京與中常侍劉安陳達等白太后祕不發喪

而更徵立諸國王子乃閉宮門屯兵自守十一月丁巳

京師及郡國十六地震是夜中黃門孫程等十九人

人見孫程傳共斬江京劉安陳達等迎濟陰王於德陽殿西

鍾下門漢官儀曰宗賢即皇帝位年十一近臣尚書以下

從章到南宮登雲臺召百官尚書令劉光等奏言孝安

皇帝聖德明茂早棄天下陛下正統當奉宗廟而姦臣

交構遂令陛下龍潛藩國從太子廢為王故曰龍潛藩國羣僚遠近莫

不失望天命有常北鄉不求漢德盛明福祚孔章近臣

建策左右扶翼內外同心稽合神明陛下踐祚奉遵鴻

福為郊廟主承續祖宗無窮之烈上當天心下厭民望

而即位倉卒典章多缺請條案禮儀分別具奏制曰可

乃召公卿百僚使虎賁羽林士屯南北宮諸門漢官儀曰書稱

虎賁三百人言其猛怒如虎之奔赴也孝武建安三年

初置期門平帝元始元年更名虎賁郎又武帝太初元

年初置建帝營騎後更名羽林以天有羽林之星故取

名焉又取從軍死士之子孫養羽林官教以五兵號曰

羽林孤兒光武中興以征伐之士勞苦者為之故曰羽林士

閻顯兄弟聞帝立率兵入北宮尚書郭鎮與交鋒刃遂斬顯弟衛尉景戊午遣

使者入省奪得璽綬乃幸嘉德殿遣侍御史持節收閹

顯及其弟城門校尉耀執金吾晏並下獄誅已未開門

罷屯兵壬戌詔司隸校尉惟閻顯江京近親當伏辜誅

其餘務崇寬貸壬申謁高廟癸酉謁光武廟乙亥詔益

順治十五年刊

二

州刺史罷子午道通褒斜路

子午道平帝時王莽通之秦記曰子午長安正南

山名秦嶺谷一名樊川褒斜漢中谷名南谷名褒北谷名斜首尾七百里

已卯葬少帝以諸

王禮司空劉授免

東觀記曰以阿附惡逆辟召非其人策罷

賜公卿以下錢

穀各有差十二月甲申以少府河南陶敦為司空

敦字文理

京縣其令郡國守相視事

○劉攽曰案他處上有詔語則下有其令云云無有特出其字者明

多此字

未滿歲者一切得舉孝廉吏

漢法視事滿歲乃得舉今帝新

即位施恩惠雖未滿歲得令舉人

癸卯尚書奏請下有司收還延光三

年九月丁酉以皇太子為濟陰王詔書奏可京師大疫

辛亥詔公卿郡守相國舉賢良方正能直言極諫之士

各一人尚書令以下從螿幸南宮者皆增秩賜布各有

差

永建元年春正月甲寅詔曰先帝聖德享祚未永早喪

鴻烈姦慝緣間入庶怨讟上干和氣疫癘為災朕奉承

大業未能寧濟蓋至理之本稽弘德惠蕩滌宿惡與人

更始其大赦天下賜男子爵人二級為父後三老孝悌

力田人三級流民欲自占者一級鰥寡孤獨篤癯貧不

能自存者粟人五斛貞婦帛人三匹坐法當徙勿徙亡

徒當傳勿傳

徙囚逃亡當傳捕者放之勿捕

宗室以罪絕皆復屬籍其

與閭顯江京等交通者悉勿考勉修厥職以康我民辛

未皇太后閻氏崩辛巳太傅馮石太尉劉熹司徒李郃

免

馮石字次初東觀記曰馮劉以阿黨權貴李郃以人多疾疫免

二月甲申葬安思皇

后丙戌太常桓焉為太傅大鴻臚朱寵為太尉參錄尚

書事長樂少府九江朱倂為司徒

朱寵字仲威京兆杜陵人朱倂字孫卿壽

春人倂音丑良反賜百官隨輦宿衛及拜除者布各有差

○劉放曰

案文云及拜除者隨輦宿衛乃是賞功拜除者未知何謂蓋傳寫之誤當云賜百官隨輦宿衛拜除者布各有

差拜除謂已遷升其官布隴西鍾羌叛護羌校尉馬賢又加賜明衍一及字也

討破之夏五月丁丑詔幽并涼州刺史使各實二千石

以下至黃綬

實謂驗實之也二千石太守也黃綬丞尉也前書曰比二百石以上銅印黃綬也

年老劣弱不任軍事者上名嚴勅障塞繕設屯備立秋

之後簡習戎馬六月己亥封濟南王錯子顯為濟南王

秋七月庚午衛尉來歷為車騎將軍八月鮮卑寇代郡

太守李超戰歿九月辛亥初令三公尚書入奏事

冬十月辛巳詔減死罪以下徙邊其亡命贖各有差丁

亥司空陶敦免鮮卑犯邊庚寅遣黎陽營兵出屯中山

北界告幽州刺史其令緣邊郡增置步兵列屯塞下調

五營弩師郡舉五人令教習戰射

調選也五營五校也謂長水步兵射聲胡

騎車騎等五校尉也○劉攽曰正文案調五營弩師何為更言舉明此舉字是與字一郡與五人教習也○又

注案此五校之名大誤檢百官志有屯騎越騎步兵長水射聲今此誤云胡騎車騎當改胡作屯車作越且二

漢有卓騎將軍及騎都尉官耳無車騎校尉也又胡騎中興長水也所以知非章懷之誤者安紀永初三年注

五校引用漢官儀甚明

壬寅廷尉張皓為司空甲辰詔以疫癘水

天啓二年刊

後漢書卷之六

四

後漢紀一  
四  
潦令人半輸今年田租傷害什四以上勿收責不滿者以實除之十二月辛巳賜王主貴人公卿以下布各有差

二年春正月戊申樂安王鴻來朝丁卯常山王章薨二月鮮卑寇遼東玄菟甲辰詔稟貸荆豫兗冀四州流冗貧人所在安業之疾病致醫藥護烏桓校尉耿曄率南單于擊鮮卑破之三月旱遣使者錄囚徒疏勒國遣使奉獻夏六月乙酉追尊謚皇妣李氏為恭愍皇后葬于恭北陵西域長史班勇敦煌太守張朗討焉耆尉犂危須三國破之並遣子貢獻秋七月甲戌朔日有食之王

午太尉朱寵司徒朱伥罷庚子太常劉光為太尉錄尚書事光祿勳許敬為司徒劉光字仲遠即太尉劉矩之弟許敬字鳴卿平輿人辛丑下邳王成薨

三年春正月丙子京師地震漢陽地陷裂甲午詔實蒙傷害者賜年七歲以上錢人二千一家被害郡縣為收斂乙未詔勿收漢陽今年田租口賦夏四月癸卯遣光祿大夫案行漢陽及河內魏郡陳留東郡稟貸貧人六月旱遣使者錄囚徒理輕繫甲寅濟南王顯薨秋七月下酉茂陵園寢災帝縞素避正殿爾雅白鵠曰辛亥使太傅王冀持節告祠茂陵九月鮮卑寇漁陽冬十

二月己亥太僕指馬免東觀記曰無着是歲車騎將軍來歷罷

四年春正月丙寅詔曰朕託王公之上涉道日寡政失

厥中陰陽氣隔寇盜肆暴庶獄彌繁憂悖永歎疾如疾

首詩云君子如祉亂庶遄已解見三朝之會朔旦立春

嘉與海內先心自新其赦天下從甲寅赦令以來復秩

屬籍三年正月己來還贖其閭顯江京等知識婚姻禁

錮一原除之日婚塔務崇寬和敬順時令遵典

去苛以稱朕意丙子帝加元服冠也賜王主貴人公卿以

下金帛各有差賜男子爵及流民欲占者人一級為父

後三老孝悌力田人二級鰥寡孤獨篤癯貧不能自存

帛人一匹二月戊戌詔以民入山鑿石發洩藏氣勅有

司檢察所當禁絕如建武永平故事夏五月壬辰詔曰

海內頗有灾異朝廷修政太官減膳珍玩不御而桂陽

太守文龔音力公反不惟竭忠宣暢本朝而遠獻大珠以求

幸媚今封以還之五州雨水秋八月庚子遣使實覈死

亡收斂稟賜丁巳太尉劉光司空張皓免東觀記曰以陰陽不和久

託病策免九月復安定北地上郡歸舊土安帝永初五年徙今復之癸酉

大鴻臚龐參為太尉錄尚書事太常王龔為司空冬十一月庚辰司徒許敬免東觀記曰為陵轅使官策罷二千石祿終身○劉放曰注陵轅



使官案文官當作者鮮卑寇朔方十二月乙卯宗正劉崎為司徒崎字叔峻華陰人也是歲分會稽為吳郡拘彌國遣使貢獻

五年春正月疏勒王遣侍子及大宛莎車王皆奉使貢獻夏四月京師旱辛巳詔郡國貧人被灾者勿收責今年過更京師及郡國十二蝗冬十月丙辰詔郡國中都

官死罪繫囚皆減罪一等詣北地上郡安定成乙亥定遠侯班始坐殺其妻陰城公主腰斬始班超孫也尚順帝姑陰城公主東

觀記曰陰城公主王名賢得同產皆棄市六年春二月庚午河間王開薨三月辛亥復伊吾屯田

章帝建初二年罷也復置伊吾司馬一人秋九月辛巳繕起太學

護烏桓校尉耿种遣兵擊鮮卑破之丁酉于闐王遣侍子貢獻冬十一月辛亥詔曰連年灾潦冀部尤甚比蠲

除實傷贍恤窮匱而百姓猶有弃業流亡不絕疑郡縣用心怠惰恩澤不宣勿美損上益下書稱安民則惠其

令冀部勿收今年田租芻橐十二月日南徼外葉調國

遣使貢獻東觀記曰葉調國王遣使師會詣闕貢獻以師會為漢歸義葉調邑君賜其君紫綬及揮國王雍田亦賜金印紫綬揮音擅壬申客星出牽牛于闐王遣侍

子詣闕貢獻

陽嘉元年春正月乙巳立皇后梁氏賜爵人二級三老孝悌力田三級爵過公乘得移與子若同產同產子民

無名數及流民欲占著者人一級鰥寡孤獨篤癘貧不

能自有者粟人五斛二月海賊曾旌等寇會稽殺句章

鄞鄞三縣長三縣皆屬會稽郡鄞縣今越州縣也句章故城在今鄞縣西鄞故城在鄞縣東南鄞

音銀鄞音茂攻會稽東部都尉詔緣海縣各屯兵戍丁巳皇

后謁高廟光武廟詔粟甘陵貧人六小口各有差京師

旱庚申勅郡國二千石各禱名山山似瀆遣大夫謁者詣

嵩高首陽山并祠河洛請雨首陽山在洛陽東北戊辰零以冀部

比年水潦民食不贍詔案行粟貸勸農功賑乏絕甲戌

詔曰政失厥和陰陽隔并冬鮮也但雪春無澍雨分禱祈

請靡神不祭詔文曰祭設縣最非神不舉深恐在所慢

違如在之義今遣侍中王輔等持節岱山東海萊

陽河洛盡心祈焉濟水四瀆之一至河南三月揚州六

郡妖賊章河等寇四十九縣殺傷長吏庚寅帝臨辟雍

饗射大赦天下改元陽嘉詔宗室絕屬籍者一切復籍

粟冀州尤貧民勿收今年更租口賦夏五月戊寅皇陵

主恢薨秋七月史官始作侯風地動銅儀時張衡為大史令作之

丙辰以大學新成試明經下第者補弟子增甲乙科員

各十人前書音義曰甲科謂作簡策難問列置案上在試者意投射取而答之謂之射策上者為甲次

者為乙若錄政化得失除郡國耆儒九十人補郎舍人

九月詔郡國中都官繫囚皆減死一等亡命者贖各有

席之歎陛下繼曆升統握鏡臨寓道洽寰中威  
加無外濁流已清重氛載廓含生熙阜品庶咸  
亨宜其弘振禮樂建立庠序式稽古典紆迹儒  
宮選公卿門子皆入于學助教博士朝夕講肄  
使擔簦負笈鏘鏘接衽方領矩步濟濟成林如  
切如磋聞詩聞禮一年可以功倍三冬於是足  
用故能擢秀雒州揚庭觀國入仕登朝資優學  
以自輔莅官從政有經業以治身轡駕列庭青  
紫拾地古者王世子之貴猶與國子齒降及漢  
儲茲禮不墜暨乎兩晉斯事彌隆所以見師嚴  
而道尊者也皇太子天縱生知無待審喻猶宜  
晦迹俯同專經請業真爵前師肅若舊典昔闕  
里之堂草萊自闢舊宅之內絲竹流音前聖遺  
烈深以炯戒況復江表無虞海外有截豈得不  
開闡大猷恢弘至道寧可使玄教儒風弗興聖  
世盛德大業遂蘊堯年臣末學小生詞無足筭  
輕獻瞽言伏增悚惕詔答曰省表聞之自舊章  
弛廢微言將絕朕嗣膺寶業念在緝熙而兵革

除京師耆儒年六十以上四十八人補郎舍人及諸王

國郎夏四月復置隴西南部都尉官

武帝元朔四年初置南部都尉於隴

西臨洮縣中興以來廢至此復置之也

巳亥京師地震五月庚子詔曰朕

以不德統奉鴻業無以奉順乾坤協序陰陽災眚屢見

咎徵仍臻地動之異發自京師矜矜祗畏不知所裁羣

公卿士將何以匡輔不逮奉荅戒異異不空設必有所

應其各悉心直言厥咎靡有所諱戊午司空王龔免六

月辛未太常魯國孔扶為司空

扶字仲淵

疏勒國獻師子封

牛

東觀記曰疏勒王盤遣使文時詣闕師子似虎正黃有鬐形尾端茸毛大如牛封牛其領上肉隆起若封

然因以名之即今之峯牛

丁丑洛陽地陷是月旱秋七月巳未太尉

龐參免八月巳巳大鴻臚沛國施延為太尉

延字君子

鮮卑寇代郡冬十月庚午行禮辟雍奏應鍾始復黃鍾

作樂器隨月律

子為黃鍾律長九寸聲有輕重長短度

大簇一月律中夾鍾二月律中姑洗三月律中仲呂五月律中蕤賓六月律中林鍾七月律中夷則八月律中南呂九月律中無射十月律中應鍾十一月律中黃鍾十二月律中大呂東觀記曰元和以來音矣不調後修

如舊典簇音湊

三年春二月巳丑詔以久旱京師諸獄無輕重皆且勿

考竟須得澍雨三月庚戌益州盜賊劫質令長殺列侯

夏四月丙寅車師後部司馬率後部王加特奴等掩擊

匈奴大破之獲其季母五月戊戌制詔曰昔我太宗不

顯之德假干上下儉以恤民政致康又朕秉事不明政  
失厥道天地譴怒大變仍見春夏連旱寇賊彌繁元元  
被害朕甚愍之嘉與海內洗心更始其大赦天下自殊  
死以下謀反大逆諸犯不當得赦者皆赦除之賜民年  
八十以上米人一斛肉二十斤酒五斗九十以上加賜  
帛人二匹絮三斤秋七月庚戌鍾羗寇隴西漢陽冬十  
月護羗校尉馬續擊破之十一月壬寅司徒劉崎司空  
孔扶免乙巳大司農南郡黃尚為司徒光祿勳河東王  
卓為司空黃尚字伯河南郡即人也王卓字仲遠河東解人也即音求紀方丙午武都  
塞上屯羗及外羗攻破也官驅畧人畜

四年春二月丙子初聽中官得以養子為後止也

自去冬旱至于是月竭者馬賢擊鍾羗大破之夏四月

甲子太尉施延免東輶記曰以選戊寅執金吾梁商為

大將軍前太尉龐參為太尉六月己未梁王匡薨秋七

月己亥濟北王登薨閏八月丁亥朔日有食之冬十月烏

桓寇雲中十一月圍鹿遼將軍耿曄於蘭池續漢志曰雲中郡沙

南縣有發諸郡兵救之烏桓退走十二月甲寅京師地

震

永和元年春正月夫餘王來朝乙卯詔曰朕秉政不明  
灾眚屢臻典籍所忌震食為重今日變方遠地擢京師

東觀記曰陽嘉四年詔曰朕以不德謫見于天零陵言日食京師不覺故此言日變方遠。劉放曰正文日變方遠案注引東觀記曰零陵言日食則其遠方也言方遠無理與注皆誤咎徵不虛必有所

應羣公百僚其各上封事指陳得失靡有所諱己巳宗

祀明堂登雲臺改元永和大赦天下秋七月偃師蝗冬

十月丁亥承福殿火帝避御雲臺十一月丙子太尉龐

參罷十二月象林蠻夷叛乙巳以前司空王龔為太尉

二年春正月武陵蠻叛圍充縣又寇夷道充縣屬武陵郡故城在澧

州崇義縣東北充音衝夷道屬南部二月廣漢屬國都尉擊破白馬羗武

陵太守李進擊叛蠻破之三月辛亥北海王翼薨乙卯

司空王卓薨丁丑光祿勳馮翊郭虔為司空虔字君賢池陽人

夏四月丙申京師地震五月口南叛蠻攻郡府秋七月

九真交阯二郡兵反八月庚子熒惑犯南斗熒惑火星也南斗北

方之宿也前書音義曰犯謂七寸內光芒相及江夏盜賊殺邾長邾縣屬江夏郡故城在今

復州竟陵縣東邾音朱冬十月甲申行幸長安所過鰥寡孤獨貧

不能自存者賜粟人五斛庚子幸未央宮會三輔郡守

都尉及官屬勞賜作樂十一月丙祠高廟丁未遂有

事十一陵丁卯京師地震十二月乙亥至自長安

三年春二月乙亥京師及金城隴西地震二郡山崖崩

地陷戊子太白犯熒惑夏四月九江賊蔡伯流寇郡界

及廣陵殺江都長戊戌遣光祿大夫案行金城隴西賜

歷死者年七歲以上錢人二千一家皆被害為收斂之

除今年田租尤甚者勿收口賦閏月蔡伯流等率眾詣

徐州刺史應志降續漢書曰志字仲節汝南南頓人曾祖父順已酉京師地

震五月吳郡丞羊珍反攻郡府太守王衡破斬之六月

辛丑琅邪王遵薨九真太守祝良交趾刺史張喬慰誘

日南叛蠻降之嶺外平續漢書曰祝良字郡卿長沙臨湘人秋七月丙戌

濟北王多薨八月己未司徒黃尚免九月己酉光祿勳

長沙劉壽為司徒壽字伯長臨湘人也丙戌令大將軍三公各舉

故刺史二千石及見人長郎謁者四府掾屬剛毅武猛

有謀謨任將帥者各一人特進卿校尉各一人冬十月

燒當羌寇金城護羌校尉馬賢擊破之羌遂相招而

十二月戊戌朔日有食之

四年春正月庚辰中常侍張達遽政楊定等有罪誅事見

梁商傳也連及弘農太守張鳳安平相楊皓下獄死三月乙

亥京師地震夏四月癸卯護羌校尉馬賢討燒當羌大

破之戊午大赦天下賜民爵及粟帛各有差五月戊辰

封故濟北惠王壽子安為濟北王秋八月太原郡旱民

庶流冗癸丑遣光祿大夫案行冀魯除更賦冬十月戊

午校獵上林苑歷函谷關而還十一月丙寅幸廣成苑

五年春二月戊申京師地震夏四月庚子中山王弘薨

南匈奴左部句麗大人吾斯率領等表圍美稷美稷縣屬西河

也五月度遼將軍馬續討破之使匈奴中郎

將陳龜追殺南單于已丑晦日有蝕之且東羌寇三輔

殺令長且音子下丑令死罪以下及亡命贖各有差九

月令扶風漢陽築隴道塢三百所置屯兵辛未太尉王

冀罷且東羌寇武都燒隴關隴山之關也今名大震關在今隴州汧源縣西也

壬午太常相焉為太尉丁亥徙西河郡居離石離石縣名在郡南五百九里西河本都

吾斯等東引烏桓西收羌胡寇上郡立車紐為單于冬

十一月辛巳遣使匈奴中郎將張耽擊破之車紐降

六年春正月丙子征西將軍馬賢與且凍羌戰于射北

山賢軍敗沒安定太守郭璜下獄死詔貸上侯國租一

歲閏月鞏唐羌寇隴西遂及三輔二月丁巳有星孛于

營室三月武都太守趙冲討鞏唐羌破之庚子司空郭

虔免丁巳河間王政薨丙午太僕趙戒為司空戒字志伯蜀郡

破烏桓羌胡於天山東觀記曰虢將吏兵繩索相懸上通天山鞏唐羌寇姑

地秋七月甲午詔假民有貲者戶錢一千八月丙辰大

將軍梁商薨壬戌河南尹梁冀為大將軍九月諸種羌

寇武威辛亥晦日有食之冬十月癸丑徙安定居扶風



北地居馮翊十一月庚子以執金吾張喬行車騎將軍事將兵屯三輔

漢安元年春正月癸巳宗祀明堂大赦天下改元漢安

二月丙辰詔大將軍公卿舉賢良方正能探賸索隱者

各一人賸幽深也秋七月始置承華殿東觀記日時以遠近獻馬衆多

園殿充滿始置承華殿今秋六百石八月南匈奴左部大人句龍吾斯與

與鞬臺耆等反叛鞬音於六反丁卯遣侍中杜喬光祿

大夫周舉守光祿大夫郭遵馮羨樂巴張綱周栩劉班

等八人分行州郡班宣風化舉實臧否九月庚寅廣陵

盜賊張嬰等寇郡縣冬十月辛未太尉桓焉司徒劉翽

免甲戌行車騎將軍張喬罷○劉翽字伯師十一月壬午

司隸校尉趙峻為太尉大司農胡廣為司徒峻字伯師

也癸卯詔大將軍三公選武猛試用有效驗任為將校

者各一人是歲廣陵賊張嬰等詣太守張綱降

二年春二月丙辰詔善國遣使貢獻夏四月庚戌護羌

校尉趙冲與漢陽太守張貢擊燒當羌於參謀破之

縣屬安定郡六月乙丑焚惑犯鎮星丙寅立南匈奴守

義王兜樓儲為南單于冬十月辛丑令郡國中都官繫

囚殊死以下出繚贖各有差其不能入贖者遣詣臨羌

縣居作二歲甲辰減百官奉丙午禁沽酒又貸王侯國

租一歲閏月趙冲擊燒當羌於河陽破之河陽縣屬天水郡故城在

今秦州龍城縣西北十一月使匈奴中郎將馬寔遣人刺殺句龍

吾斯十二月揚徐盜賊攻燒城寺殺畧吏民是歲涼州

地百八十震

建康元年春正月辛丑詔曰隴西漢陽張掖北地武威

武都自去年九月已來地百八十震山谷坼壞敗城

守殺害民庶夷狄叛逆賦役重數内外怨曠惟咎歎息

其遣光祿大夫案行宣暢恩澤惠此下民勿為煩擾三

月庚子沛王廣薨領護羌校尉衛琚追討叛羌破之音

音南郡江夏盜賊寇掠城邑州郡討平之夏四月使匈

奴中郎將馬寔擊南匈奴左部破之於是胡羌烏桓悉

詣寔降辛巳立皇子炳為皇太子改年建康大赦天下

賜人爵各有羞秋七月丙午清河王延平薨八月揚徐

盜賊范容周生等寇掠城邑遣御史中丞馮赦督州郡

兵討之庚午帝崩于玉堂前殿時年三十遺詔無起寢

廟歛以故服珠玉玩好皆不得

論曰古之人君離幽放而反國祚者有矣莫不矯鑒前

違審識情偽無忘在外之憂離遭也矯正也左傳曰晉侯在外十九年矣險阻艱

難備嘗之矣人之情偽盡知之矣故能中興其業觀夫順朝之政殆不

然乎何其倣僻之多與始近也言順帝倣前之僻不能改正也

孝冲皇帝諱炳謚法曰幼少在位曰冲司馬彪曰冲幼

日順帝之子也母曰虞貴人建康元年立為皇太子其

年八月庚午即皇帝位年二歲尊皇后曰皇太后太后

臨朝丁丑以太尉趙峻為太傅大司農李固為太尉參

錄尚書事九月丙午葬孝順皇帝于憲陵在洛陽西十

丈四尺周三百步廟曰敬宗是日京師及太原鴈門地震三郡

水涌土裂庚戌詔三公特進侯卿校尉舉賢良方正幽

逸修道之士各一人百僚皆上封事己未九江太守丘

騰有罪下獄死東觀記曰騰知罪法深大懷挾姦巧稽留道路下獄死揚州刺史

尹耀九江太尉鄧顯討賊范容等於歷陽軍敗耀顯為

賊所殺冬十月日南蠻夷攻燒城邑交阯刺史夏方招

誘降之壬申常山王儀薨己卯零陵太守劉康坐殺無

辜下獄死十一月九江盜賊徐鳳馬勉等稱無上將軍

攻燒城邑己酉令郡國中都官繫囚減死一等徒邊謀

反大逆不用此令十二月九江賊黃虎等攻合肥是歲

群盜發憲陵護羌校尉趙冲追擊叛羌於鷓陰河戰歿

涼州姑臧縣東南有鷓陰縣故城因水以為名

永嘉元年春正月戊戌帝崩于玉堂前殿年三歲清河

王蒜徵至京師

孝質皇帝諱續謚法忠正無邪曰質古肅宗玄孫曾祖

順治十五年刊 後漢書卷之六 十六

父千乘貞王伉祖父樂安夷王寵父勃海孝王鴻母陳

夫人冲帝不豫大將軍梁冀徵帝到洛陽都亭及冲帝

崩皇太后與冀定策禁中丙辰使冀持節以玉青蓋車

迎帝入南宮丁巳封為建平侯其日即皇帝位年八歲

巳未葬孝冲皇帝于懷陵在洛陽西北十五里伏侯古

今注日高四丈六尺周百八十三廣陵賊張嬰等復反攻殺堂邑江都長

堂邑縣屬廣陵郡今揚州六合縣也九江賊徐鳳等攻殺曲陽東城長

曲陽縣屬九之陽故城在今豪州定遠縣西北甲申謁高廟乙酉謁

東城縣故城在定遠縣東南也光武廟二月豫章太守虞續坐賊下獄死乙酉大赦天

下賜人爵及粟帛各有差還王侯所削戶邑彭城王道

薨叛羌詣左馮翊梁並降三月九江賊馬勉稱黃帝九

江都尉滕撫討馬勉范容周生大破斬之東觀記日傳

王印鹿皮冠黃衣詣洛陽夏四月壬申雩庚辰濟北王

詔懸夏城門外章示百姓安薨丹陽賊陸宮等圍城燒亭寺丹陽太守江漢擊破

之五月甲午詔曰朕以不德託母天下布政不明每失

厥中自春涉夏大旱炎赫憂心京京爾雅口京故得禱

祈得無理常是復字明祀冀蒙潤澤前雖得雨而宿麥

頗傷比日陰雲還復開霽寤寐未歎重懷慘結寤覺也

詩曰寤寐永將二千石令長不崇寬和暴刻之為乎其

歎唯憂用老令中都官繫囚罪非殊死者未竟者一切任出以須立

後漢書卷六

後漢書卷六

秋任保也郡國有各山大澤能興雲雨者二千石長吏各

潔齋請禱竭誠盡禮又兵役連年死亡流離或支骸不

歛或停棺莫收朕甚愍焉昔文王葬枯骨人賴其德呂氏

春秋曰周文王使人掘地得死人鬻文王曰更葬之吏曰此無主文王曰有天下者天下之主今我非其主邪

遂令吏以衣棺葬之天下聞之日今遣使者案行若無文王賢矣澤及枯骨又况人乎

家屬及貧無資者隨宜賜卹以慰孤魂是月下邳人謝

安應募擊徐鳳等斬之丙辰詔曰孝殤皇帝雖不永休

祚而即位踰年君臣禮成孝安皇帝承襲統業而前世

遂令恭陵在康陵之上先後相踰失其次序非所以奉

宗廟之重垂無窮之制昔定公追正順祀春秋善之傳

公立二一年而薨次僖公立僖雖是定閔庶兄然嘗為閔位次當在閔下後文公即位乃進僖公神位居閔之上

左傳曰躋僖公逆祀也定公八年經書從祀先公從順也順祀謂退僖神位於閔下穀梁曰從祀先公貴正也

其令恭陵次康陵憲陵次恭陵以序親秩為萬世法六

月鮮卑寇代郡秋七月庚寅阜陵王代薨廬江盜賊攻

尋陽又攻盱台音吁夷今楚州縣也滕撫遣司馬王章擊破之九

月庚戌太傅趙峻薨冬十一月己丑南陽太守韓昭坐

賊下獄死東觀記曰強賦一億丙午中郎將滕撫擊廣

陵賊張嬰破之丁未中郎將趙序坐事弃市東觀記曰取錢縑三

百七十歷陽賊華孟自稱黑帝攻殺九江太守楊岑滕

撫率諸將擊孟等大破斬之

本初元年春正月丙申詔曰昔堯命四子以欽天道謂義仲義叔和仲和叔也

書曰乃命義和欽若昊天鴻範九疇休咎有象尚書曰天乃錫

禹洪範九疇孔安國注云洪大也範法也疇類也言天與禹洛出書神龜負文而出列於背有數至於九禹遂

因而第之以成九類其八曰庶徵有休徵咎徵之應休美也咎惡也徵驗也人君行善政則百穀用成家用平

康是休徵也政有乖失則百穀用不成家用不寧是咎徵也休之與咎皆象人君之政故言休咎有象也象或

作夫瑞以和降異因逆感禁微應大前聖所重言君政純和則

瑞氣降若逆時令則災異感所禁雖微其應乃大頃者

州郡輕慢憲防競逞殘暴造設科條陷人無罪或以喜

怒驅逐長吏恩阿所私罰枉仇隙至令守闕訴訟前後

不絕送故迎新人離其害怨氣傷和以致災責書云

德慎罰昔過也明德慎罰方春東作育微敬始其勅有

司罪非殊死且勿案驗以崇在寬言東作之時須育養

月令孟春之月無殺蟲胎夭飛鳥無麇無卵慶陵太守王喜坐討賊逗遛下獄死二月庚辰詔曰九江

廣陵二郡數離寇害殘夷最甚謂比年張嬰寇廣陵華孟寇九江也生者

失其資業死者委尸原野昔之為政一物不得其所若

已為之尚書一夫弗獲况我元元嬰此困毒方春戒節

賑濟之危掩骼埋胔之時月令孟春之月行慶施惠下

注曰為死氣逆生氣也其調比郡見穀出稟窮弱收葬

枯骸務加埋卹以稱朕意夏四月庚辰令郡國舉明經

年五十以上七十以下詣太學自大將軍至六百石皆

遣子受業歲滿課試以高第五人補郎中次五人太子

舍人又千石六百石四府掾屬三署郎四姓小侯先能

通經者各令隨家法四府掾屬謂大將軍府掾屬二十

府三十一人司空府二十九人漢官左右中郎將皆秦

官也比二千石三署郎皆屬焉三署謂五官署左右石署

也儒生為詩者謂之詩家禮者謂之禮家故言各隨家

法也四姓小侯解見明紀也○劉放曰注漢官左右中

郎將案文其高第者上名牒當以次賞進五月庚寅徙

樂安王為勃海王海水溢戊申使謁者案行收葬樂安

北海人為水所漂沒死者又稟給貧羸庚戌太白犯熒

惑六月丁巳大赦天下賜民爵及粟帛各有差閏月甲

申大將軍梁冀潛行鴆弒帝崩于玉堂前殿年九歲丁

亥太尉李固免戊子司徒胡廣為太尉司空趙戒為司

徒與梁冀參錄尚書事太僕袁湯為司空

贊曰孝順初立時髦允集爾雅曰髦俊也郭璞注曰士

王龔龐參張衡李郃匪砥匪革終淪嬖習砥礪也革改

李固黃瓊之儔也順帝初升天位又羣賢總集不能因茲自礪改革前非

而終溺於私嬖近習也謂封孫程等十九人為侯又詔

中官養子聽襲封爵之類也保阿傅土后家世及保安也阿倚也言

姆之類也傅土謂阿母山陽君宋娥更相貨賂求增邑

土也后家謂拜后父梁商為大將軍商薨仍拜子冀為

大將軍弟不冲天未識質弒以聰陵折在運天緒三終疑為河南尹

言陵遲天折在於時運所以天之胤緒頻致三終也

順治庚子年六月二十一日

江寧府學教授朱 謨較閱

後漢帝紀第六終

後漢書六



